

LA  
DOCTRINE  
DES VAUDOIS.

Representee par Cl. Seiffel Archeuef-  
que de Turin, & Cl. Coufford  
Theologien de l'Vniuersité  
de Paris.

Auec notes dressees

Par IACQUES Cappel *Ministre*  
*du S. Euangile, & Professeur en Theo-*  
*logie en l'Eglise & Academie*  
*de Sedan.*



A SEDAN;  
Del'Imprimerie de Jean Iannon,

M. D. C. XVIII.

SCP





A TRES-HAVTE ET TRÈS-  
ILLVSTRE PRINCESSE MADAMÈ  
ELIZABETH DE NASSAV, NE'E  
Princesse d'Orange, Duchesse de Buillon,  
Princesse Souveraine de Sedan, &  
Raucourt, Vicontesse de Turenne,  
Castillon, & Lenquais, &c.

**M**ADAME,

*Ce n'est pas sans cause que  
Satan est appelé le Prince de ce  
monde, non qu'il ait aucun droict de gou-  
uernement au monde, ny rien de royal, n'y  
ayant point de seruitude si miserable que la  
sienne, mais par ce que la plus part du mon-  
de ayme mieux servir & croire ce Prince de  
tenebres, que le Pere de lumiere. De là vient  
que la voye spacieuse, c'est celle qui meine à  
perdition. Du temps de Noé la terre ayant*

corrompu sa voye, l'Eglise se trouua reduite  
 à huict personnes en l'arche, parmy lesquel-  
 les encore voyez vous un Cham, auquel  
 pour malediction est déclaré qu'il sera serui-  
 teur des seruiteurs. Quelque quatre cens ans  
 apres voila la terre derechef tellemēt pleine  
 d'idolatrie, que Dieu pour en guarir Abrahã  
 le fait sortir de son parentage. Dieu l'a telle-  
 ment beny, qu'il a rendu sa semence tant en  
 nombre, qu'en graces, comme les estoilles des  
 cieux: mais souuent par ses desbauches elle  
 s'est rendue cōme la poussiere de la terre. De  
 tant de milliers que Dieu tira d'Egypte,  
 deux seulement eurēt l'honneur d'entrer en  
 la terre promise. Depuis ceste faueur cōbien  
 de fois s'est Jsraël asseruy aux Dieux des  
 peuples que le Seigneur luy auoit assuiettis?  
 tellement que les vrais fideles estoiet comme  
 la toison de Gedeon, vne poignée de laine  
 seule garentie de l'orage qui inondoit le reste  
 de la terre, seule participante de la rosée du  
 ciel. Soubs Salomon Jsraël estoit en sa fleur,  
 en sa force. Mais Salomon luy mesme fait  
 sacrifices à Chamos, Melcom, Astaroth,

Et si tost que Salomon eut les yeux clos, les dix lignées se reuolterent tant contre Dieu que contre le Roy. Lors Dieu qualifioit Jerusalem, Aholi-bah, c. d. mon tabernacle est en elle, & Samarie, Aholi bama, c. d. tabernacle de haut lieu, repaire d'idoles. Mais combien de fois voyons nous la desloyale Jerusalem iustifier Jsraël la desbauchée, voire Sodome sa sœur? faisant pis que n'auoient faict iadis les Amorrhéens lors que la terre les vomit? Quand Judas trahit son maître par un baiser, les autres Apostres ne l'abandonnerent-ils pas par une honteuse fuite? Lors s'accomplit ce qu'auoit dit le Seigneur, le frapperay le pasteur, & les brebis seront esparfes. Combien lors estoit petit le nombre de ceux qui par profession extérieure rendoient à nostre Seigneur l'honneur & le seruice qui luy est deu? Cependant ce fut lors que nostre Seigneur triōpha des puissances & dominations en sa croix, destruisant par sa mort celuy qui auoit l'empire de mort, & peu apres il fit retentir iusqu'aux bouts de la terre le

son des Apostres, erigeant par leur ministère un nouveau regne, non point un regne de ce monde, mais un regne spirituel, liant le Dragon, à ce qu'il n'eust pas tel pouuoir que parauant pour seduire les nations. Or est cōsiderable que S. Jean en son Apocalypse ne se propose pas de descrire l'histoire de tout l'uniuers. Il ne parle point de ce qui se deuoit faire sous le pole antarctique, dans l'Amérique, ny parmy les Perses ou les Indes, soit Orientaux, soit Occidentaux. Son but est de nous predire les abominations tyranniques de Babel. Or tant les anciens que les modernes, mesmes les Jesuites sont d'accord que ceste Babel c'est Rome. Seulement en cecy sont ils en discord avec nous & entre eux, c'est que les vns veulent que S. Jean descrie les maux que Rome Payenne deuoit faire, les autres, qu'il descrie les maux que Rome fera lors que l'Antechrist s'en sera emparé.

Mais il appert que S. Jean nous deduit un tissu des choses principales qui deuoient arriuer depuis le premier iusqu'au dernier aduenement de nostre Seigneur. Car pour ce-

la dit-il plusieurs fois que les choses deuoient  
 arriuer bien tost : pour cela nous descrit-il  
 le premier aduenement de nostre Seigneur  
 au chap. xij. Pour cela si souuent nous des-  
 crit-il son dernier aduenement. Sainct Jean  
 donc nous predict les maux que Satan deuoit  
 faire par le moyen de Babel tant Payenne  
 que mauuaise Chrestienne, & finalement  
 Antichrestienne. Babel s'attribuoit le droit  
 de faire des Dieux. Pilate ayant à Tibere  
 mandé l'histoire de N. S. Tibere fut d'aduis  
 qu'il fust mis entre les Dieux, mais le Senat  
 Romain ayant improuué l'aduis de l'Empe-  
 reur, son aduis fut mis à neant, comme le re-  
 cite Tertullian en son Apologetique. Les  
 persecutions contre les Chrestiens estoient  
 basties là dessus. On les persecutoit parce que  
 ils adoroient un Dieu non receu par le Se-  
 nat, & parce qu'ils n'adoroient pas ceux  
 que le Senat vouloit estre tenus & adorer  
 comme Dieux. Mais nonobstant les preten-  
 tions de Babel, & les efforts de Satan, Dieu  
 lia tellement le dragon, que la religion Chre-  
 stienne ne laissa pas de s'establir par tout,

voire dans Rome mesme. Satan ne laissoit pas d'estre deslié, au regard de plusieurs autres maux qu'il faisoit au monde, voire dans Babel, & par son autorité. Aussi S. Jean ne nous décrit pas Apoc. 20. Satan tellement garotté, qu'il n'eust pouuoir de faire decapiter plusieurs martyrs pour le tesmoignage de Jesus, & pour ne vouloir pas adorer la beste, c. d. adherer aux impietez de Babel: mais il fut neantmoins en comparaison des siecles precedens lié iusques là, qu'il ne peut empescher la propagation du Christianisme par tout l'Vniuers, voire dans Babel mesme, ne peut empescher que ceux qu'il persecutoit à outrance ne fussent faiçts participans de la resurrection premiere, & du royaume Sacerdotal que Dieu promet à ses enfans, 1. Pier. 2. 9. Apoc. 1. 6. 5. 10. Car aussi comme nostre Seigneur n'a pas laissé de regner & triompher en la croix, & par sa croix Heb. 2. Coloss. 2. les fideles pareillement ne laissent pas dés icy bas d'estre Rois en Christ, & de par Christ, de regner & triompher de Satan au milieu de leurs liens,



*Et martyres, au milieu de la mort.*

Or si tost que le Dragon se veit tellement lié qu'il ne pouuoit empescher l'establissement du royaume spirituel de Jesus Christ dans Rome mesme, il s'efforça de le faire par l'ambition des Euesques degenerer en vn royaume temporel, mais il n'a peu le conuertir en tyrannie formelle gourmandante l'Univers, il n'a peu le conuertir en domination Antichrestienne, sinon quelque mille ans apres l'establissement du regne de l'Euangile. Ce regne consiste principalement en ce que tous Chrestiens recognoissent que Jesus Christ a receu vn nom par dessus tout nom, afin qu'au nom de Iesus tout genouil se ploye. La domination Antichrestienne consiste principalement en ce que le chef de l'idolatre Babel maintient qu'il n'y a point d'autre nom que celuy du Pape, qu'au nom du Pape tout genouil doit ployer, que mesme les Rois doivent luy baiser les pieds, Et ne baiser que les siens. C'est proprement sous titre de lieutenant prendre la place de Christ, Et se seant au

temple de Dieu, se monstrent comme s'il estoit Dieu. C'est ce qu'a faict Gregoire VII. l'an 1076. en ses dictats rapportez par Baronijs. Ayans à traiter des Vaudois, voyons si ceux mesmes qui ont escrit contr'eux nous fourniront point quelque chose pour la confirmation de ce que nous venons de dire.

Claude Coussord docteur en Theologie en l'Uniuersité de Paris escriuant contré les Vaudois, Vous ne trouuez pas aisemēt, dit-il, que depuis le commencement de l'Eglise iusqu'au temps de S. Louys, les Pontifes Romains ayent reserué quelque chose des electiōs, ou y ayent rien changé. Toutesfois parce que lors ils commencerent à empescher les elections, & impoler des charges pecuniaires sur les benefices, S. Louys ordonna derechef que les elections se feroient en son Royaume, & que les exactions cesseroient. Coussord nous apprend que durant les dix ou onze premiers siecles chaque pronince, sur tout la France, pouuoit aux benefices par elections libres &

conformes aux anciens canons, sans que les Papes eussent pouuoir d'y rien changer, beaucoup moins d'en disposer simoniaquement à leur poste, sous titre d'imposition de charges pecuniaires, mais que les Papes ayãs empieté ceste tyrannie quelque temps deuant S. Louys, c'est à dire enuiron l'onzieme siecle, S. Louys tascha de reprimer ceste usurpation, & empescher ceste corruption par sa pragmatique Sanction, mais le mal estant desia bien plus fort que les remedes, la simonie & la tyrannie du Pape reprirent bien tost apres leur cours, comme deuant, & plus que deuant. Or le clergé s'estant fort assuiety ceux qu'il appelle laics, ayant empieté sur eux vne puissance tyrannique, le Pape s'asservissant le clergé, s'asservissoit quant & quant le reste de l'Eglise. C'est ce que feit Gregoire Vij. maintenant l'an 1076. qu'il auoit droict de deposer luy seul quelque Euesque que ce soit, de deposer les Empereurs, & se faire baiser les pieds par les Rois. Lors donc fut Satan deslié plus que deuant dans Babel, luy faisant exploit-

ter par violence ce qu'auparavant il tra-  
 moit par fraude: si bien que plusieurs de ceux  
 mesmes qui resistoient à la tyrannie du fils  
 de perdition participoient à son idolatrie.  
 Un siecle n'estoit encore passé que Dieu qui  
 auoit predit que ce deschainemēt seroit pour  
 un peu de temps, qu'il donneroit à la veri-  
 té quelques tesmoins, ne fust-ce que deux à  
 la fois, suscita quelques bonnes ames, no-  
 tamment ceux qu'on appelle *Vaudois*, qui  
 recognoissans qu'il ne manquoit plus rien à  
 celle qui disoit, *Je suis Royne, & ie ne se-  
 ray plus vefue, pour estre vrayement la  
 Babylone predicte par S. Jean, soit au re-  
 gard de la superstition, soit au regard de l'u-  
 surpation, creurent aussi qu'il estoit temps  
 d'obeir au commandement du Seigneur di-  
 sant, Sortez de Babylone, mon peuple.*  
 A ceux qui prirent ceste resolution Babel  
 fit si cruelle guerre, qu'elle creut les auoir  
 esteincts, parce qu'ils estoient, comme pieça  
 parauant auoient esté les fideles, errans és  
 deserts, és montagnes, és cauernes, &  
 pertuis de la terre, comme il est dict *Heb.*

XI. 38. Mais Dieu qui ne permet pas que la verge de l'exacteur se repose pour tousiours sur l'heritage des bons, a faict retentir sur les toicts ce qui se disoit à l'oreille, suscitant à ses enfans des Rois pour protecteurs, & des Princes pour nourriciers.

Il n'y a rien plus ordinaire, mais rien plus iniuste, que de priser ou condamner les choses simplement pource qu'elles nous paroissent vieilles ou nouvelles. Car encore que la verité soit tousiours la plus ancienne, si est-ce que souuent elle nous semble nouvelle. S. Cyprian disoit tresbien, qu'il ne faut pas regarder à ce qu'a faict quelqu'un deuant nous, mais à ce qu'a commandé celui qui est deuant tous. C'est à ce principe qu'il faut ramener toutes choses, c'est à ceste esquierre qu'il les faut esprouuer. Cependant comme c'est vn suiet de lamentation & d'estonnement, quand nous voyons combien de siecles durant presque tout l'univers a croupi dans le Paganisme, aussi c'est vne matiere de ioye Chrestienne, quand parmi ces tenebres nous apperceuons quelques interualles luci-

des, quelques tesmoignages illustreés pour la verité Chrestienne dans les escrits des Payens. De mesme c'est chose lamentable de voir combien de peuples se sont laissez abuser & gourmander par les pretentions d'un homme soy disant Lieutenant General de Christ, se disant avoir tout droit de commander à tous, de disposer tant du spirituel que du temporel, de ne pouvoir errer en ses determinations, sans que de ses pretentions il en produise le moindre mot de la part de celuy dont il se dit Vicaire. Mais c'est aussi matiere de louer Dieu, quand nous voyons qu'au plus fort de sa domination se sont trouuees non seulement en Orient plusieurs milliers d'Eglises, qui ne se sont iamais laissees emporter à ces piperies, mais mesmes en Occident plusieurs Eglises continuees depuis euuiron cinq cens ans en ça, qui constamment ont condanné ces impostures. Ces Eglises ont esté chargees de plusieurs calomnies, & denigrees par plusieurs sobriquets & surnoms odieux. Mais le nom plus ordinaire qu'on leur donnoit, c'est celuy des *Vaudois*. Or entre plusieurs recherches touchant l'estat de l'Eglise que i'ay deduiètes en descriuant les Liurees de Babel, i'y ay donné deux chapitres, esquels i'ay tasché de représenter l'estat des *Vaudois* par les tesmoignages de leurs plus grands ennemis : ayant mesme sur la fin diét aussi quelque chose de Claude Seissel. Mais le desir de briefueté me fit lors couper ce propos un peu court : n'y ayant aussi pour la mesme

cause rien diét de ce que Claude Coussord Docteur en l'Vniuersité de Paris attribue aux Vaudois. Ce que donc i'ay lors touché comme en passant, c'est ce que ie represente maintenant un peu plus amplement, d'autant plus volontiers qu'en examinant ce que ces deux aduersaires disent de ceux qu'ils appellent Vaudois, ie deduy sommairement les principaux poinets des controuerses d'aujourd'huy. Car aussi ce que les Vaudois condamnoient au Pape, c'est cela mesme que nous y condânonns, ce que le Pape leur reprochoit; c'est en substance cela mesme qu'il nous reproche. Nous ne voyons icy que ce que les aduersaires leur font dire parsemé de calomnies. Mais tant moins est suspecte la verité, quand les aduersaires mesmes luy rendent tesmoignage. Et la verité pour estre nuë, ou simplement vestuë n'en est pas moins recommandable, veu que la simplicité mesme luy sert de parement. Tous n'ont pas ceste consideration. Les estomachs desgoustez font plus d'estat d'une sauce qui picque, que d'une viande qui nourrit. Mais vostre pieté, MADAME, cherche ses ornemens en la modestie, ses appetits en la naïueté, & son restaurant en la verité de la doctrine celeste. Son illustre maison ne luy sert que d'esguillon pour chercher d'autant plus la vraye noblesse, qui est selon Dieu. Sa grandeur ne l'esleue que pour s'humilier deuant Dieu, ses moyens ne luy sont qu'instrumens de beneficence. Les choses vrayement hautes sont celles qui desdaignent moins les basses.

C'est pourquoy nyl la simplicité des Vaudois à représenter leur cause, nyl la mienne à maintenir leur innocence ne m'ont point rebutté d'offrir à V. E. ce petit labeur. L'or eschappé de l'embrasement de Corinthe, bien que meslé de cuiure, n'en estoit que plus estimé. Il y a des mesures que nous contemplons avec plus d'admiration que des palais entiers. L'eau du puits de Bethlehem presentee par David en aspersion au Seigneur, ne luy fut pas moins agreable que les thresors qu'il luy offrit depuis en son opulence. Ces eaux puisees au peril de la vie de tant de bonnes ames surpassent les delices des vins estrangers & fumeux. Ce qui est du mien est peu de chose au prix de vostre merite, mais en un pot de terre se peut bien trouver un thresor de grand prix: & l'equité de vostre bien-vueillance regardera plustost à la syncerité de mon affectiō, qu'à la foiblesse de mon pouuoir. C'est la faueur que j'espere de V. E. qui me fait prier Dieu pour la singuliere pieté dont il vous a richemēt ennoblie, à ce qu'il luy plaise la courōner de toutes sortes de benedictions, tant sur V. E. que sur toute sa tres-illustre maison, à ce qu'elle soit à tousiours le miroir de vertu, le support des bons, & le rempart de l'Eglise. C'est ce que souhaite de tout son cœur,

MADAME,

Vostre tres humble & tres  
obeissant seruiteur  
IACQUES CAPPEL,





# LA DOCTRINE DES VAVDOIS,

REPRESANTEE PAR  
*Claude Seissel.*

---

## CHAPITRE I.

*Les qualitez de Claude Seissel.*



LAUDE Seissel estant  
Euesque de Marseille  
fit vn traicté de la Mo-  
narchie de France qu'il  
dedia au Roy François  
I. au commencement  
de son aduenement à la  
Couronne. En la peface de ce liure il dit  
qu'il a esté dans le maniemment des affaires

sous les trois Rois precedens, à sçauoir Louys XI. Charles VIII. & Louys XII. Or Louys XI. deceda l'an 1461. Quand Seiffel lors n'auroit eu que vingt & cinq ans, si doit-il auoir vescu plus de quatre-vingts ans, & auoit enuiron cest aage quand il escriuoit contre les Vaudois. Car il ne peut pas luy mesme le faire imprimer, mais fut imprimé bien tost apres sa mort, l'an 1520. comme lon peut recueillir de la dedicace qu'en fait Nicolas Berauld à Estienne Poncher Archeuesque de Sens, conformement à l'intention de l'auteur. Il n'y auoit que six ans que le Roy François regnoit, & est vrai-semblable que bien tost apres son aduènement à la Couronne il tira Seiffel de Marseille pout le faire Archeuesque de Turin en Piedmont, où se trouuant plus voisin des Vaudois qu'il n'estoit à Marseille, cela luy donna sujet de s'en informer plus qu' auparauant, & de les refuter tant par presches que par escrit. Et peut estre que ce fut à sa sollicitation que le Roy François & Charles Duc de Sauoye publierent vn Ediët contre les Vaudois, dont Seiffel dit fueil. 2. que la rigueur effraya grandement les Vaudois, & neantmoins

il ne se vante point d'en auoir conuertty que deux, & deux autres qui changerent de robe à la venuë de l'Inquisiteur. En ce traicté contre les Vaudois il fait f. 56. mention d'vn autre traicté qu'il a faict de *la prouidence Diuine*, comme l'ayant faict depuis peu.

Nemesius amy de Gregoire de Nazianze voulant alleguer au chap. 3. de la nature de l'homme en faueur de la verité Chrestienne vn tesmoignage de son grãd ennemi Porphyre dit, *ἰσχυρὰ τῶν ἑχθρῶν αἰστώερ ἡμῶν μαρτυρία, καὶ μηδεμίαν ἀντιλογίαν ὑποδέχομεναι.* Les tesmoignages que nous alleguons de nos ennemis pour nous sont forts, & ne reçoient aucune contradiction. Or ia ne m'aduienne que ie fasse de Seissel vn Porphyre. Mais bien puis-ie dire que Seissel n'estoit pas moins ennemi des Vaudois que Porphyre des Chrestiens. Quand donc Seissel les blasme nous auons sujet de tenir son tesmoignage pour suspect, & neâtmoins nous ne nous inscriuõs point en faux contre luy, si ce n'est que par son propre tesmoignage nous le puissions cõtredire, ou que par interpretation non violente nous puissions tellement iustifier les Vaudois, que pour cela nous ne de-

mentions point vne personne de telle qualité. Mais quand vous trouuerez d'autres aduersaires qui chargent les Vaudois de crimes atroces ou d'heresies infames, & que Seiffel sans y penser les en descharge, quel sujet aura leur plus grand ennemy de tenir pour suspect le tesmoignage de Seiffel ? Mais lors que Seiffel naïuement represente leur doctrine, & qu'il tasche de la refuter, nous n'auons pas estimé necessaire de nous estendre sur la replique. Nous auons ailleurs traité de la pluspart deces matieres amplement, & plusieurs autres l'ont fait trop plus dignement que ie ne pourroye le faire. Mais seulement en passant nous monstons en peu de mots sur quoy principalement s'abuse Seiffel, & sur quoy principalement se fondoient les Vaudois. En quoy si nostre labour te peut, amy Lecteur, donner quelque lumiere, nous en loüerons Dieu & le prierons qu'il luy plaise te fortifier de plus en plus en sa crainte.

## CHAP. II.

*Qui estoient les Vaudois.*

Ceux que Scissel appelle Vaudois, estoient auparavant appelez Albigeois. On leur a donné tout plein d'autres noms iniurieux. Ces deux-cy ont esté les plus ordinaires. Nicolas Vignier en son histoire Ecclesiastique dit que l'an 1214. furent ostées plusieurs places aux Albigeois, & entre autres le Chasteau de Marillac, auquel, dit-il, furent bruslez sept Vaudois, ensemble Monpesat, Marmande, Casseuoles avec Cadenac & plusieurs autres des pays d'Aginois, Perigueux, Limosin, Quercy, Rouergue, entre lesquels se trouuerent trois au Perigueux, à sçauoir Mont-fort, Chasteau-neuf, & Bamac, desquels on disoit estre issuë enuiron cét ans auparavant l'heresie Albigeoise.

De ce recit on peut recueillir que dés enuiron l'an onze cens de N. S. y auoit en Perigueux quelques Eglises dressées, enseignantes la doctrine qu'on a nommée Albigeoise du nom du fleue Albi, dont la pluspart desdites Eglises estoient voisines.

Depuis Pierre de Valdoaiant à Lion

embrasse l'opinion de ces Albigeois, & y ayant attiré grand nombre de personnes, & notamment des pauvres, qu'il sustentoit de ses moyens, la reputation de cest homme a fait que ceux qui ont eu la mesme croyance que luy ont esté par la plupart nommez Vaudois ou pauvres de Lion. Pilichdorf dit que Pierre de Valdo commença de prescher sous le Pape Innocent II. qui vint au Papat l'an 1130. & mourut l'an 1142.

Arnould de Bresse fut en haine de ceste doctrine tué, noyé, bruslé dans Rome l'an 1155. selon le rapport de l'historien Gerhol, qui n'a peu faire ce recit sans blasmer ceste cruauté, dont le Iesuite Gretler le reprend en sa preface contre les Vaudois chap.1.

Sigonius ne fait mention des Vaudois que l'an 1163. volontiers parce qu'ils ne furent condamnez publiquement dans Rome que l'an 1163. par Alexandre III. Ceste condamnation fust reiterée l'an 1177. 1178. 1179. à raison de quoy Guido, Reiner, Monsieur de Thou les commentent environ l'an 1170. d'autres environ l'an 1180. Or dit Gretler, *C'est chose certaine que les Tholosains & Albigeois condamnez*

*l'an 1177. & 1178. n'estoient autres que Vaudois. c. d. n'auoient autre creâce, mais bien estoient-ils plus anciens que Valdo.*

*L'Archeuesque Seiffel enuiron l'an 1516. f. 7. Il y a, dit-il, de grandes & efficacieu-  
ses causes & occasions pour lesquelles ceste se-  
cte des Vaudois a desia duré tant de siecles; &  
f. 4. nous auons monstré les causes, qui ont fo-  
mente ces heresies desia par tant de siecles. Ce  
seroit fort improprement parler, si Seiffel  
n'entendoit au moins quatre siecles. Pourtant est-il croyable que sous le nom  
des Vaudois comprenant aussi les Albi-  
geois il commence l'establissement de  
leurs Eglises enuiron l'an onze cens en Pe-  
rigueux & es enuirs d'Albi. Mais quant  
au Piedmôt, & les Alpes, & le Dauphiné,  
c'est enuiron l'an 1300. que les Vaudois  
s'y sont establis se voians deschassés  
de Thoulouse, & d'Albi & des enuirs.  
C'est en ceste sorte que nous pouuons en-  
tendre ce que Seiffel dit f. 2. En ce diocé-  
se de Turin, principalement en ses extremités  
& dans les destroits des Alpes, qui separent  
la France d'avec l'Italie tant au pais du Roy  
qu'en Dauphiné, & en Sauoye, il y a plus de  
deux cens ans que ceste heresie a pris sa force. Il  
y auoit quelque deux siecles que les Vau-*

dois s'estoient accreus és quartiers denombrés par Seiffel, mais il y auoit quelque quatre cens ans, quelque quatre siècles que leurs Eglises auoient commencé de s'establir ailleurs. Or en mesme temps qu'on les chassa des quartiers d'Albi, ils s'estendirent non seulement iusques en Piedmont, mais iusques en Calabre, iusques en Picardie, iusques en Angleterre, Boheme, Moraue, tesmoin les Eglises qu'ils auoient en ces quartiers la deuant Luther, voire deuant Jean Hus.

Or de vray le mal s'estpand quelques-fois fort loin aussi bien que le bien. Mais de quelle fausse doctrine se trouuera veritable ce que Seiffel aduoüe de la doctrine des Vaudois? *Toutes sortes de gens, dit-il, f. 1. ont en diuers temps par un tresgrand effort en vain essayé de les arracher, & contre l'opinion de tous ils sont demeurés vainqueurs, ou du tout inuincibles.* Mais dict Seiffel, feuillet 6. *La secte de Mahomed composée des erreurs de plusieurs heretiques s'est espanduë par la plus grande part de l'uniuers. Cela est vray. Mais la doctrine de Mahomed s'est-elle multipliée par martyres, par souffrances? est-ce pas par la violence des armes & par la barbarie de leurs carnages*



horribles qu'ils se sont establis ? Icy donc le miracle est non pas de ce que plusieurs ont ployé sous la torce des Mahometans, mais de ce que nonobstant toutes leurs cruautés plusieurs n'ont point succombé, & qu'en fin les Mahometans se sont résolus d'arrester le cours de leurs persecutiōs à l'encontre des Chrestiens. Plusieurs entre les luifs pourroient se résoudre à souffrir la mort plustost qu'à renōcer leur religion. Mais aussi leur religion n'est pas vne nouveauté forgee par les hommes, comme l'impieté de Mahomet, l'heresie d'Arrius. Neantmoins ce n'est point la persecution qui les a multipliés, car on ne les a gueres persecutés pour les contraindre d'embrasser la religion Chrestienne. Iamais les bons Chrestiens n'ont vsé de telles violences contre eux, ny contre les heretiques pour les esgorger par milliers, non pas mesmes par centaines ny par douzaines pour les contraindre de quitter vn erreur. Ces violēces n'ont esté employees que pour maintenir vne mauuaise cause. Et iamais Dieu n'a permis qu'autre qu'une bonne cause se soit renforcee à mesure qu'on l'a cruellement persecutee.

## CHAP. III.

DISCOURS DES  
Vaudois.

*Extrait du liure de Seiffel  
fueillet II.*

VAUDOIS.

NOTES.

**C**Hrist a com-  
mis son Eglise  
à Pierre, & ensa per-  
sonne aux autres A-  
postres & à leurs suc-  
cesseurs. Mais pour-  
quoy? Premieremēt  
parce que non seule-  
ment par son eter-  
nelle science, mais  
aussi par experience  
manifeste il l'auoit  
recoñeu constant  
par dessus les autres  
en foy & en charité,

1. Seiffel ne nous à re-  
présenté du discours des  
Vaudois que ce qu'il lui  
a pleu, & comme il luy  
a pleu. Neantmoins tel  
qu'il est, il nous peut  
fournir vn eschantillon  
de la doctrine & pieté  
de ces bonnes ames.

2. C'est ce que dit saint  
Ambroise, que le primat  
de S. Pierre estoit non pas  
vn primat d'ordre, c. d. de

afçauoir en ce que les autres Apostres hesitans luy respon- dit en la personne de tous, *Tu es le Christ, le fils de Dieu viuât.* Car ayant ouy ceste res- ponse & pourtant ayant cogneu la co- fession de Pierre, pour cela le Sau- ueur mesme luy res- pondit, *Tu es bien- heureux Simon fils de Iona. Car la chair & le sang ne t'a point re- uelé cela, mais mon Pe- re, qui est és Cieux. Et moy ie te dy que tu es Pierre, &c.* De ces mots il appert eui- demmēt que le Sau- ueur ayant esté es- meu par la cōfession & foy de Pierre luy a dōné, ou 3. promis de luy dōner la puis- sance & les clefs, ce

iurisdiction, de puissan- ce, *mais vn primat de foy.* L'intention pourrāt des Vaudois non plus que celle de sainct Ambroise n'est pas de dire, comme Seissel fueillet 15. & 16. leur fait à croire que *la puissance des clefs depende de la sainteté de l'homme,* mais bien que celuy qui s'abandonne à route for- te d'impureté, de vices & d'heresies, c'est vn tes- moignage qu'ayant a- bandonné Dieu, Dieu l'a pareillement a- bandonné, & veut que nous le tenions pour rel, que nous le degradions ou fuyons comme peste de l'Eglise, puis qu'en la personne de S. Pierre & des autres Apostres Dieu nous a monstré quels doiuent estre ceux qui veulent estre tenus pour successeurs de S. Pierre.

3. Ceux de l'Eglise Ro- maine maintiēent d'or- dinaire que ce que N. S.

qu'il accomplit apres la resurrection quand il luy dit, *Paymes brebis*. Et lors mesmes il ne le feit sinon apres qu'il eut vne, deux, voire trois fois 4 ouuertement protesté qu'il l'aimoit plus que les autres, dont aussi Pierre desia souuent auoit donné preue. Tel fut le Vicaire s que Christ se choisit, asçauoir qui fust digne, auquel il manifesta les secrets de la sapience. Faut dire le mesme des autres Apostres, desquels pareillement il cognoissoit tres-bië la foy & la vertu. Pourtant leur dit-il, *Vous ne m'auuez pas eleu, mais ce suis-ie, qui vous ay eleus*. Et afin

promit Mat. 18. à Saint Pierre, il ne le luy donna qu'apres la resurrection. Voila pourquoy les Vaudois l'accordent, côme aussi il se peut accorder.

4. Parce que S. Pierre auoit renié N. S. par trois fois, il estoit tres-cõuenable qu'auant que d'estre installé ou reinstalled en la charge il fist par trois fois protestation de son amour envers N. S.

5. Les Vaudois derechef parlent icy par concession. Les Papes maintiennent que S. Pierre estoit Vicaire de nostre Seigneur. Cela se peut accorder. Car aussi quãd N. S. enuoye ses Apostres leur disant, Mat. 28. *Allez, endoctrinez toutes gens, &c*, il les establit tous comme autant de Vicaires & Lieutenans generaux qu'il enuoyoit au monde. Ainsi tous

qu'ils sceussent ce qu'il vouloit qu'ils feissent, il adiouste, *afin que vous rapportiez fruiet.* Il y a donc eu deux causes de l'élection de Pierre & des Apostres, la premiere fut parce qu'il cognoissoit leur foy & leur charité, la seconde, afin que par eux il recueillist des autres hommes vn grand fruiet. Dauantage, afin qu'il apparust, que ce n'estoit point par acception de personnes, mais aiât esgard à leur *6 pieté,* voire en telle sorte que s'ils s'en departoient, non seulement ils descherroient de sa grace, mais aussi seroient priués de l'authori-

les Pasteurs sont comme autant de lieutenans particuliers de N. S. parlans chacun d'eux à leurs troupeaux au non du S. comme ses ambassades ou lieutenans, ainsi que en parle S. Paul 2. Cor. 5. 20. *Nous sommes Ambassadeurs pour Christ, comme si Dieu exhortoit par nous.* Comme donc N. S. n'a point fait vn tel hōneur à ses Apostres qu'il ne les ait quant & quant reuestus de graces conuenables à la grandeur de leur charge, aussi ne deuous nous point choisir ny tenir pour Pasteurs ceux qui par l'impureté tant de leur vie que de leur doctrine s'en monstrent totalement indignes.

6. Seiffel a mis à leur *merite.* Mais les Vaudois viennent de tesmoigner que c'est Christ qui a choisi les Apostres, & nō les Apostres qui l'ont choisi, monstrans que c'est de pure grace &

té qu'il leur auoit octroyée, il dit ailleurs, *Je suis la voye, la verité & la vie, celui qui me sert, qu'il me suive.* Et ailleurs *Je suis la vigne, vous estes le sarment, qui demeure en moy, & moy en luy rapporte beaucoup de fruiçt. Mais celui qui ne demeurera point en moy il sera coupé & ietté dans le feu pour estre bruslé.* Tandis donc que les Apostres sont demeurés en Christ (Or y sont ils demeurés toujours depuis 7. qu'ils ont receu le S. Esprit) le fondemēt de l'Eglise vniuerselle a sans doute retenu sa fermeté, comme sur des colonnes & bases tres fermes.

Aussi <sup>8</sup> a elle fait en

non pour leur merite qu'il les a choisis, si nous auons esgard à l'election eternelle. Mais Dieu voulant les choisir pour Apostres auant que de les appeller à ceste charge, les a sanctifiez par son S. Esprit, & les a rendus dignes de l'honneur qu'il vouloit leur faire. Nous qui n'auons pas ce pouuoir, de uons choisir, entant qu'en nous est, ceux que nous voyons desia reueſtus de graces conuenables à la charge que nous leur imposons.

7. Aſç. depuis que N.S. apres sa resurreçtiō soufflant sur eux leur eust dit, *Retenez le S. Esprit,* & sur tout depuis le redoublement de ses graces qu'il leur conféra le iour de la Pentecoste.

8. Chasque Eglise fon-

leurs successeurs tâ-  
dis qu'ils ont imité  
les actions, la vie, les  
mœurs, la foy des  
Apostres. Mais de-  
puis que ces succes-  
seurs ont commen-  
cé de se desuoyer  
des preceptes & en-  
seignemens des A-  
postres, estans se-  
duits par diuerses  
conuoitises & mes-  
chancetés, ils se sont  
sans doute depar-  
tis 9. de Christ, &  
Christ s'est departy  
d'eux. Pourtant ont  
ils esté retranchés  
de son corps mysti-  
que. Car on ne peut  
pas appeller Mini-  
stres de Christ ceux  
qui non seulement  
ne le suiuent pas,  
mais suiuent vn che-  
min tout 10 à re-  
bours. De là vient

de par les Apostres a re-  
tenu la fermeté que les  
Apostres luy auoient  
donnée tandis que ses  
Pasteurs se sont mon-  
strés imitateurs aussi bié  
que successeurs des Apo-  
stres.

9. A mesure que les E-  
uesques d'Ephese, de  
Corinthe &c. se sont de-  
partis de la pureté des A-  
postres, ils se sont aussi  
departis de Christ, &  
Christ d'eux. Quel pri-  
uilege peut alleguer Ro-  
me pour dire que nous  
ne puissions en dire d'el-  
le tout autant que des  
autres?

10. Quand les Pasteurs  
se fouruoyent en la do-

que d'arbre fructueux ils sont deuenus arbre meschât & infructueux, ne pouuans rapporter aucun fruct, au moins qui soit bon selon que N. S. tesmoigne luy mesme dilant, *Le mauuais arbre ne peut porter bon fruct.* La raison pour laquelle ils auoient esté choisis, cesse, pourtât aussi celle l'effect. Il est donc euident que le mal viuant est par son impieté mesme arraché du corps de Christ, comme le sarment inutile est arraché de la vigne. Dauantage celuy qui est enfant & esclau du diable ne le peut estre de Christ, veu que luy

ctrine aussi bien qu'aux mœurs, lors montrent ils euidemment qu'ils ne sont point vrayemēt Ministres de Christ. mais Seiffel f. 16 fait à croire aux Vaudois qu'ils ne tiennent aucun pour Pasteur, s'il n'est totalement exempt de peché, ce qui n'est nullement de leur intention.

II Ils ont esté choisis pour edifier, pour paistre le troupeau. S'ils deuiennent scandaleux en leur vie, imposteurs en leur doctrine, ne faut il pas les tenir pour tels qu'ils sont, & consequēment les deposer, si on en a le pouuoir, ou pour le moins, si on n'a pas ce pouuoir, se garder de leur leuain, & chercher la pasture spirituelle de la main de ceux qu'on reconnoist estre plus irreprehensibles en leur vie,  
mes-



mesme dict, *Nul ne peut servir à deux maistres: & ailleurs, Vous estes du diable; parce que vous faites ses œuvres.* En apres, ceux qui offensent Dieu par crimes enormes selon le tesmoignage du prophete, sont effacés du liure de vie, & consequemment sont arrachez du Royaume des Cieux, c'est à dire, de l'Eglise. Mesme le Sauueur nous a aduertis qu'il se faut garder de telles gens disant, *Gardez vous des faux Prophetes, qui viennent en vestemens de brebis, mais au dedans sont loups rauissans.* Et afin qu'ils sceussent de qui ils se deuoient donner de garde il

plus purs en leur doctrine: Cest ce que faisoient les Vaudois & consequément c'est ce qu'ils veulent verifier par leur discours, à quoy ne contrenient aucunement ce que Seissel f. 22. allegue de S. Matthieu c. 23. Car quand N. S. dit v. 3. *faites tout ce qu'ils vous diront,* appert qu'il faut souffrendre quelque chose du v. 2. à sc̄. tout ce qu'ils vous diront entât qu'assis sur la chaire de Moÿse, conformement à la doctrine de Moÿse. Autrement comment se fust pratiqué ce que N. S. dit, *donnez vous de garde du leuain des Pharisieus* Mat. 16. 11. & c. 15. 14. *Laissez les, ce sont auengles &c.* Et quand ils ont dit qu'il falloit condamner à mort le Fils de Dieu, les Iuifs ont ils bien fait de les croire? Cela estoit il de la chaire de Moÿse? ne l'ont ils pas dit comme ayans conuertiy la

adionste, *Vous les cognoistrés à leurs fruits.*

Or les fruiçts ce sont nos œuures. Si elles sōt mauuaises il no<sup>o</sup>

ment à la chaire, à la doctrine des Apostres, nous le deuons obseruer & faire, quelque vicieuse que soit la vie des Pasteurs, mais s'ils persistēt à fouiller ceste chaire par impieté de mœurs & de doctrine, pourquoy les fideles ne pouruoiront ils à ce qu'ils soient conduicts par des vrais pasteurs plustost que par des notoires imposteurs?

faut fuir, 12. quand nous serions reueftus d'habits de brebis ou de Pasteurs.

Cela estant, comment l'Euesque & le Prestre qui est ennemi de Dieu pourra - il auoir puissance de rendre Dieu propice enuers les autres? Celly qui est banni du royaume des Cieux, comment peut il en auoir les clefs? Auec

chaire de Moÿse en chaire de pestilence? Autant en difons nous de ceux qui se disent assis sur la chaire des Apostres, ce qu'ils disent conformement

12. Quand vn Pasteur ne seroit impur qu'en sa vie, toutesfois sa vie pourroit estre si desbordément impure, qu'on deuroit le fuir comme vne peste; Tesmoin le Canon qui deffend d'ouir la Messe d'un Prestre notoirement concubinaire: Que sera ce s'il fait ouuertement encore pis?

quelle puissance 13. conferera il les ordres, comment conferera il les Sacrements en la vertu du S. Esprit, veu que tant s'en faut qu'il habite en luy, qu'il en est mesme ennemy? Certes il n'habite point en vn corps asseruy au peché, ains il a plustost en abomination ses aetiōs & ses prieres. Pourtant, si Dieu n'exauce point le meschant, en vain implorons nous les suffrages de celuy qui luy mesme n'a pas Dieu propice. Bref, puis q̄ sa priere & ses autres actions n'ont aucun vsage, comment à sa parole Christ se transformeroit il sous l'espe-

13. Si nous regardons à l'impieté du meschant & infidele Pasteur, nous le deuons fuir, comme ne pouuans tirer de luy que pollution & malediction, & non sorte quelcōque de consecration ou de benediction. Pourtant nous nel'irons point chercher pour recevoir de luy ny le Baptesme, ny la S. Cene, ny l'imposition des mains. Mais si lors que nous ne cognoissons pas l'impieté de sa vie, la fausseté de sa doctrine, nous auons receu de sa main ces choses, lors nous deuons croire que Dieu n'a pas laissé d'accomplir en nous son œuure non-obstant l'obliquité de l'instrument. Sur tout nous deuons recognoitre que nous sommes obligez à l'accomplissement de ce que Dieu requiert de nous, soit au Baptesme, soit en la S. Cene, soit en l'imposition des mains, aussi

ce du pain & du vin,  
 14. & le laitroit-il  
 manier par celuy le-  
 quel il a du tout re-  
 ietté, duquel il dete-  
 ste les actions? De  
 plus, ô Dieu immor-  
 tel, qui est l'homme  
 sage qui croira qu'un  
 Roy mediocrement  
 sage vueille com-  
 mettre sa Lieutenâ-  
 ce avec puissance  
 Souveraine à celuy  
 lequel il desdaigne  
 pour estre au plus  
 bas rang des eserui-  
 teurs? celuy qu'il  
 tient digne de tout  
 supplice, cōme en-  
 nemy public? Qui  
 est 15. le berger qui  
 commette sa brebis  
 au loup? Vn homme  
 sage commettra-il  
 son espouse 16. tres-  
 chaste à vn tres-vi-  
 lain & tres-dissolu

bien que si nous les a-  
 uions recens de la main  
 d'un tresbon & fidele  
 Pasteur.

14. Les Vaudois ne  
 croyoient nullement la  
 transsubstâtiation, com-  
 me l'on peut aisément  
 recueillir des propos de  
 Seiffel f. 55. Mais comme  
 parlans par cōcession ils  
 argumentent ainsi, Toy  
 qui ne peus, ou qui  
 ne daignes aucunement  
 changer ta melchante  
 vie, ton impure doctri-  
 ne, comment te peus tu  
 glorifier de chāger, quād  
 il te plaist, au corps du  
 Fils de Dieu, vn mor-  
 ceau de pain?

15. Si N. S. eust voulu  
 quel'Euesque de Rome  
 fust pour iamais son Vi-  
 caire general, Euesque  
 Vniuersel, Pasteur infail-  
 lible de toutes ses brebis,  
 comme le Pape pretend,  
 auroit il petmis que ce  
 siege fust tant de liecles  
 durant occupé de mon-  
 stres infames pires que  
 loups?

macquereau ? Et quoy ? celuy qui se deltourne de Dieu, n'est-il pas reduict à neant ? Le Prophete dit, *Le malin est en sa presence reduit a neât,* Item, *ils viendront à neât, cōme l'eau qui s'escoule,* & souuent ailleurs vous trouuez escrit le mesme. Celuy 17. donc qui n'est rien, ne peut riē faire. Et afin qu'on ne pense pas que ces choses manquent de telmoignages de l'Escriture, escoutez ce que Dieu luy mesme prononce, *A quoy me sert la multitude de vos sacrifices ? i'en suis saoul. Je ne veul point d'holocaustes de beliers, ny de graisse des bestes grasses, ny du sang des*

16. Seissel nous cache le plus fort nerf de l'argument des Vaudois, qui est tel, Si N. S. eust voulu que tous les Papes fussent recognus de tous, cōme estans tous autant d'espoux de l'Eglise, voire de toute l'Eglise, n'estant subiect au iugemēt d'aucun, comme Seissel pretend f. 35. N. S. autoit-il permis que depuis tant de siecles ils fussent tous autant de maquereaux ? Or le sont-ils la pluspart au regard de leur vie, mais ils le sont tous au regard de leur idolatrie, laquelle ils maintiennent tous depuis plusieurs siecles en ça.

17. Celuy qui deuant Dieu n'est rien du tout, avec quel front peut-il s'attribuer vne espece de toute-puissance ?

veaux, ny des agneaux  
ny des boucs? Et plus  
bas, Ne m'offrez<sup>18</sup>. pl<sup>9</sup>  
en vain vos sacrifices:  
l'encens m'est en abomi-  
natiō. Ie ne supporteray  
point vos nouvelles lu-  
nes, vos sabbats & au-  
tres festes. Vos assemblées  
sont iniques. Mon ame  
hait vos nouvelles lu-  
nes & vos autres fe-  
stes, elles me sont en  
charge. Ie suis las de  
les porter. Quand vous  
estendrez vos mains, ie  
destourneray mes yeux  
arriere de vous, &  
quand vous multiplie-  
rez la priere ie ne l'or-  
ray point. Car vos  
mains sont pleines de  
sang. Et Malachie 19.  
parlant de ces mes-  
chans sacrificateurs  
s'escric en ceste sor-  
te, Ie ne vous ay point  
à cœur, & ie ne rece-

18. Si Dieu reiette les  
offrandes de ceux dont  
il ne blasme que la vie,  
combien plus sont re-  
iettables ceux dont la  
doctrine est detestable  
aussi bien que la vie?  
Ceux donc qui sont  
tels, nous les deuons  
esloigner de l'autel, c. d.  
des charges ecclesiasti-  
ques, si nous en auons  
l'auctorité; si nous ne  
l'auons pas, nous de-  
uons au moins fuir leurs  
offrâdes. Combien plus  
s'ils s'attribuent des of-  
frandes, dont Dieu ne  
leur donne droict quel-  
conque, comme d'offrir  
en sacrifice reel le Fils  
du Dieu viuant? N'en  
ayans en la parole de  
Dieu titre quelconque,  
quelle peut estre leur v-  
surpation, sinon bla-  
sphematoirement sacri-  
lege?

19. Les aduocats du Pa-  
pe ont accoustumé d'al-  
leguer ce que dit Mala-

uray point le sacrifice de vostre main: & plus bas, ie maudiray vos benedictions. Puis il respond à leur tacite obiection. Car ils 20. pouuoient dire, que Dieu auoit affermy la sacrificature à Leuy par alliance eternelle, & que pourtant il ne la pouuoit esloigner arriere de leur famille. Car il leur respōd ouuertement, que son alliance demeure, tandis que la posterité de Leui suit les traces de Leui. Car ayant dict, *ie traicteray avec luy mon alliance de vie & de paix, ie luy ay donné ma crainte, & il m'a craint, il adiouste, mais vous vous estes destournez de la loy &*

chie chap. I. v. II. *On offrira en tout lieu parfums en mon nom, & oblations pure, Malachie denonçant aux Leuites que nonobstant leur impieté Dieu ne lairoit pas d'estre serui par tout, & que ceux qui presentent à Dieu les prieres doiuent s'estudier à toute pureté.*

20. Les Papes & leurs adherans, aussi bien que les Leuites, se targuent ordinairement de ce que dit Malachie ch. 2. v. 7. *Les leures du Sacrificateur garderont la science, & on recherchera la Loy de sa bouche.* C'est pourquoy les Vaudois remonstroient que ces paroles ne se doiuent point prendre pour prediçon, ny pour promesse absolue; mais bien se peuent elles prendre par forme d'opposition en ceste sorte, v. 7. *Jadis les Sacrificateurs gardoient la science, &c. v. 8 Mais vous vous estes retirez de ce che-*

avez fait que plusieurs  
 ont tresbusché se de-  
 stournans de ma loy:  
 Vous avez enfraint  
 l'alliãce de Leuy. Pour-  
 tant ie vous ay rendus  
 contemptibles & ab-  
 iect̃s à tous peuples,  
 comme vous n'avez  
 point gardé mes voyes,  
 & ce qui s'enluit.  
 Lesquelles paroles  
 certes conuiennent  
 à tous les Euesques  
 & Prestres qui trãs-  
 gressent les ordon-  
 nances de Christ &  
 des Apostres, veu  
 qu'il dit par vn au-  
 tre Prophete, *I'ay*  
*hay l'Eglise des ma-*  
*lins, & ie ne m'asserray*  
*point avec les meschãs.*  
 Et ailleurs, *I'ay en*  
*haine ceux qui font*  
*preuarication, & tous*  
*les ouuriers d'iniquité,*  
 & infinis tels passa-

min là. On les peut aussi  
 prendre par forme de  
 commandement en ce-  
 ste sorte: *Que les leures du*  
*Sacrificateur gardent la*  
*science, & que lors on re-*  
*cherche de sa bouche la Loy.*  
 C'est en ceste sorte que  
 le prend le Talmud au  
 traicté intitulé *Moed ka-*  
*thon* chap. 3. paraphra-  
 sant en ceste sorte ce tex-  
 te; *Quand les leures du Sa-*  
*crificateur gardent la scien-*  
*ce, lors il est messager de l'E-*  
*ternel, & pourtant lors on*  
*recherche de sa bouche la*  
*Loy: mais s'il fait autre-*  
*ment, il est Ange de tene-*  
*bres, excommunie-le* Que  
 si les Iuifs mesmes sont  
 contraints de recognoi-  
 stre que les promesses  
 faites à Leui, à Aaron, à  
 Phinées, n'empeschent  
 pas qu'on ne puisse iu-  
 stement se retirer de sa  
 communion, voire l'ex-  
 communier, de quel  
 front le Pape peut-il  
 s'exempter de toute cen-  
 sure, luy qui n'a titre ny  
 promesse quelconque?



ges. N'est-il pas dit de Saul<sup>21</sup>. lors qu'il eust transgressé le commandement de Dieu, que l'Esprit de Dieu se departit de luy, luy qui parauant auoit esté choisi de Dieu pour gouverner le peuple? Dauantage, Christ ne dit-il pas en l'Euāgile, *Si quelqu'un veut venir apres moy qu'il renonce à soy mesme, & qu'il charge sa Croix & qu'il me suive.* Et derechef, *Nul ne peut seruir à deux maistres, à Dieu, & à Mammon.* Et ce qui est plus ouuert & plus dur, *Celuy qui ne renöce<sup>22</sup>. à tout ce qu'il possède, ne peut estre mon disciple: Cōment donc commettrait-il sa Lieutenantance à celuy,*

21. Voicy comment l'exemple de Saül sert contre le Pape. Si les promesses & les graces faites à Saül n'ont point empesché que Dieu ne se soit retiré de luy, de quel droit le Pape non obstant sa meschante vie, non obstant sa damnable doctrine peut-il se vanter d'une perpetuelle, d'une inseparable & infaillible assistance du S. Esprit, veu mesme que Dieu n'a iamais rien promis à Rome, ny à son Euesque?

22. Seissel dit sur cela f. 29. *Si nous leur disons que c'est de cœur & d'affection qu'il y faut renoncer, ils se mocqueront.* C'est par coniecture qu'il le dit. Autrement il diroit,

qu'il ne daigne pas tenir pour disciple? Que si les Pontifes sont tels, qu'ils n'abandonnent rien du

*quand nous leur disons, &c. ils se moquent.* Appert aussi par ce que les Vaudois ont toujours possédé quelque chose, qui plus, qui moins.

Donc leur intèrion estoit aussi bien que la nostre, que nous devons renoncer à nos biens, comme à nos ames, comme à nos vies. Toutes & quantes fois qu'il faut renoncer à la verité de l'Euangile, soit en tout, soit en partie, ou bien perdre nos vies ou nos biens, nous devons abandonnet l'un & l'autre volontairement plustost que de renoncer directement ny indirectement à vne seule des veritez de l'Euangile.

leur,<sup>23</sup> & ne gardent point és autres choses la loy de Christ, en quelle<sup>24</sup> puissance ordonnent - ils les Euesques? Et ceux qui ne reçoivent deus aucun ordre, comment peuvent-ils le conferer aux autres? veu mesme, qu'ils sont malades des mesmes maladies. Bref, s'ils ne conferent point les

23. Comment les Papes abandoneroient-ils leurs vies ou leurs biens plustost que de renoncer à quelqu'une des veritez de l'Euangile, veu que par auarice, par ambition, par obstination ils alterent en plusieurs sortes la pureté de l'Euangile?

24. Celuy qui n'est pas Chrestien, ny en sa vie, ny en sa doctrine, de quel front peut-il se vanter d'estre le chef de tous les Chrestiens? d'estre du tout hors de peril,

ordres, pour certain aucun de ceux auxquels ils auront donné l'ordination, ne fera vrayement Sacrificateur, & pourrât ils ne font aucun Sacrement. 25. Car quand ils auroient l'ordre, ils le souilleroient par la turpitude de leur vie. Si donc nous montrons que tels sont tous les Prestres & Eueſques de l'Eglise Romaine, il appert euidentement que ce n'est pas en eux qu'est l'Eglise de Dieu. Car Christ ne peut estre le chef de ceux qui ne sont point ses membres.

*Vn peu plus bas au fueillet 14.* Le Pontife Romain & les autres Prelats & Pre-

d'erreur & de censure?

25. De vray regardans à l'impieté tant de la vie que de la doctrine des Papes & de leurs officiers, nous ne deuous attendre d'eux rien de sacré, nous deuous fuir leur communion & leurs sacremens comme profanez par leur impureté. Mais comme ceux qui ont receu le Baptême de leur main n'ont pas laissé de se tenir pour baptisez & obligez à viure Chrestiennement, aussi les gēs de biē qui ont receu d'eux l'imposition des mains, n'ont pas laissé de se tenir pour Pasteurs & obligez à paistre le troupeau, non plus de fables, mais de verité.

ftres de l'Eglise Romaine ne fuient ny la vien ny les preceptes de Christ , mais font tout le contraire , & ce non plus occultement , mais si ouvertement & si manifestemēt qu'on ne peut pl<sup>9</sup> tergiuerfer ni le couvrir d'aucun voile , voire qu'ils se glorifient principalement es choses qui sont contraires à la Religion , & qu'ils ne mesprisēt pas seulement , mais ils se moquent des enseignemens des

qu'ils venoient à recognoistre que leur Baptême , leurs ordres les obligeoient à estre Ministres de Christ , annonciateurs de sa passion , & non pas executeurs des passions du Pape , lors deuenoient-ils vrayement Chrestiens , & vrayement Pasteurs. Lors les Vaudois les receuoient comme tels , & leurs Pasteurs leur donoient la main d'association.

C'est pourquoy comme les Vaudois ne reïteroient point le baptesme de ceux qui auoient esté baptizez par les Prestres , aussi receuoient-ils pour Pasteurs les Prestres renonçans aux abus de la Papauté , & preschās la verité. Ceux-là donnoient l'imposition des mains aux autres , qu'ils appelloient *Barbes* , & ceux cy pouuoient la donner à d'autres sans aller à Rome. C'est ce qu'ils maintiennent fuyans à bon droit , comme ordures les ordres du Pape , & de ses officiers , tant qu'ils demeuroient les officiers , plustost que Ministres de Christ , mais lors

uoient en grande pauvreté, humilité, chasteté, continence des choses charnelles & mépris du monde. Mais nous autres Prelats & prestres en vn tres-grand fast, luxe & dissolution, estimons que c'est chose belle d'exceller en puissance Royale plustost qu'en sainteté Sacerdotale, & tous nos efforts & études tendēt là qu'entre les hōmes nous no<sup>o</sup> acqueriōs de la gloire, non pas par vertu, sainteté, doctrine, mais par abōdāce de toutes choses, par armes & magnificence de guerre, & par vn grand apparat de cheuaux, d'or, & de choses

brement & tout au long ce que les Vaudois disoient contre la corruption des mœurs du Clergé Romain. En cela est il louable, sur tout en ce qu'il n'a pas osé les en démentir formellement, aduoiant mesme que de vray les mœurs de son clergé pour la pluspart estoient tres-vicieux, bien qu'il pretend que les Vaudois exaggeroient vn peu trop ceste corruption. Au cōttaire Petrarque leur eust dit, qu'ils n'en disoient pas assez. Mais en ce point Seissel est reprehensible, c'est qu'il ne represente pas assez au long ny assez naïfvement ce que les Vaudois alleguoient pour convaincre de faulxeté la doctrine du Clergé Romain.

semblables. Les Apostres<sup>27</sup>. n'ont rien voulu auoir de propre, ny receuoir aucun en leur compagnie, sinon ayant tout laissé & mis en cōmun. Mais nous, non contens du nostre, nous hānissions apres le bien d'autruy plus auarement & plus impudemēt que les Payens, & c'est pourquoy nous faisons la guerre, & incitons aux armes les Princes & peuples Chrestiens. Les Apostres courans par les villes & bourgades & semās avec efficace la parole de Dieu exerçoient en outre les offices de charité selon qu'à vn chacun en estoit donnée la

27. Il est vray semblable que Seisfel icy desguise les paroles des Vaudois, veu que S. Pierre dit à Ananias Actes 5. qu'il luy estoit libre de garder son chāp, veu aussi que les Vaudois ne s'obligeoient point à n'auoir rien de propre, mais bien à estre fort communicatifs & charitables.

faculté. Nous, non seulement nous ne faisons rien de semblable, & ne dōnons aucun exemple de bonne cōuerſation, mais aussi nous refiſtons le plus souuēt à ceux qui les font, & monſtrons le chemin de toute dissolution & cōuoitiſe. Eux <sup>28.</sup> comme à regret & refuians, par le cōmandemēt ou inspiration de Dieu receuoient l'ordination pour le salut des autres. Nous achetons <sup>29.</sup> les charges par argēt, ou par force, ou par la faueur des Princes nous les briguons par mauvais moyens, & ce non pour autre fin que pour assouuir nos voluptez, pour

28. Couſſord quoy qu'escruiant contre les Vaudois ne laisse pas d'en dire autāt f. 39. *Autrefou, dit-il, rapiebantur on les entraînoit aux dignitez Ecclesiastiques, aujour d'huy ils les enuahissent omnibus pene inuitis presque malgré tout le monde.*

29. La Simonie du Clergé Romain n'est pas vne simple corruption de mœurs, mais elle tient aussi de la corruption en la doctrine. Pourtant les canons anciens mettent les Simo-

enrichir nos parens & pour la gloire du monde. Dauantage eux passoient leur vie en beaucoup de ieufnes, veilles, & voyages, nes'estonnans du trauail ny du peril pour monstrier aux autres la voye de salut. Nous passons tout le tēps en oisueté, en plaisirs, & autres choses terriennes ou meschantes. Eux mesprisans du tout l'or, & l'argent, comme ils auoiēt receu gratuitement la grace diuine, ainsi la dispensoient ils. Nous exposons 30. en vente les choses sainctes & les thresors celestes de Dieu mesmes, nous confondons toutes choses diui-

niaques entre les heretiques, voire les font pires que plusieurs heretiques, pires q̄ les macedoniens; qui nioient la diuinité du S. Esprit. Car disoient les anciens, les Macedoniens font. le S. Esprit seruiteur du Pere, ceux-cyle font leur seruiteur & mercenaire. Claude Coussord escriuant contre les Vaudois maintient fueil. 10. que tous les Simoniaques de quelque estat & condition. qu'ils soient sont ipso facto excommuniex, & le prouue mesme par les decretales cap. de hoc. & seq. de Simon. & in extravag. commun. cum de est. i. bitem 6. & parce que quelques flatteurs des Papes maintenoient que le Pape ne peut encourir Simonie, Coussord maintient que si.

30. La Simonie de la Papauté ne consiste pas seulement en la vente des offices sacrés, mais principalement en la



nes & humaines, tellement que l'Eglise Romaine ne peut estre dite l'espouse de Christ, mais ceste putain publique-  
 mét prostituée, qu'Esaïe, Jeremie, Ezechiel & S. Iean en l'Apocalypse depeignent de viues couleurs. Car Christ s'est accouplé l'Eglise 31. pour luy estre espouse sainte, nette, belle, parée des ornemens & pierreries de toutes vertus, sans tache, sans ride, telle que le S. Esprit la depeint figuratiuement en ses cantiques. Ia n'aduienne donc que Christ vueille chager son espouse si belle, si excellente en vne putain si sa-

vente des pardons, des Sacremens & de la sepulture, & des prieres qu'on faiët pour les morts.

31. Rome mesme maintient que l'Eglise n'a ny tache, ny ride, pourtant pretend elle ne pouuoit errer. Or bien est vray que l'Eglise doit aspirer à ceste saincteté tant accomplie, mais ce n'est pas en terre, mais au Ciel qu'elle y paruient. Cependant de là mesme les Vaudois à bon droit recueillent que ny Rome, ny sa factiõ ne peut estre ceste espouse de Christ, puis qu'elle est si

le, si detestable.

souillée tant en la vie  
qu'en la doctrine.

*Et plus bas f. 18.*

**N**OUS<sup>32</sup>. ne niōs pas que Dieu seul ne soit le scrutateur des cœurs, lequel, comme dict l'Écriture, sonde les cœurs & esprouve les reins. Et pourtant c'est lui seul qui cognoist si les œuvres des hommes luy sont agreables ou <sup>33</sup>. si elles obtiennent la grace, & les autres hommes n'en peuvent iuger que par coniectures. Mais luy mesme nous a enseigné, cōment nous le pouons recueillir, disant, Vous<sup>34</sup>. les cognoistrés par leurs fruiets. Car vn mau-

32. Par ce discours les Vaudois montrent que le iugement qu'ils ont fait du Clergé, ils ne l'ont basti que sur ce qui leur estoit euidēt tant au regard de la doctrine qu'au regard de la conuersion ordinaire du clergé.

33. Seiffel met, *aut promereantur gratiam*, Nous auons subiect de douter s'ils parloient ainsi. Mais s'ils ont ainsi parlé, on le peut entendre commodement, entant que *promereri* & *mereri* se prennent souuent pour obtenir.

34. Seiffel dit, que N. S. parle des faux Prophetes, ce qui est bien

vais arbre ne peut faire de bons fruiçts ny vn bon arbre de mauuais fruiçts. Encore donc qu'il soit malaisé de iuger des bonnes œuures d'autant qu'elles reçoient leur 35. valeur de l'intention, toutesfois les mauuaises se descourent d'elles mesmes, & l'intention ne les peut rendre bonnes principalemēt quād elles repugnent ouuertement à la loy diuine, & qu'elles sont manifestes. Et pourtant si ie voy les Euesques 36. & les Prestres tous les iours publicemēt dissolus en luxure, rauissans le bien d'autruy, frappans leurs prochains, per-

vray pourueu qu'õ ne le restraigne pas seulement à ceux qui se meslent de deuiner, ou qui se disent à faux enuoyés immediatement de Dieu, mais qu'on l'entende aussi de ceux qui annoncent vne fausse doctrine.

35. Seissel met *meritum* leur merite, mais soit que les Vaudois ayent ainsi parlé ou non, la suite du proposne requiert autre chose sinon ce que nous auons icy mis en traduisant *leur valeur*.

36. Seissel pourroit bien icy faire parler les Vaudois en termes plus rudes qu'ils ne faisoient, & toutesfois Petrarque, bien qu'il ne fut point du nombre des Vaudois qui peut estre n'en auoit

secutans les bons, blasphemās le nom de Dieu, prodiguās le patrimoine de l'Eglise en voluptés & vsages damnables, puis - ie pas indubitablement affirmer que ceux qui font ces choses, sont non Ministres de Dieu, mais ses ennemis publics? Ils 37. le sont quand ils auroiēt esté establis ou confirmez par vn Synode vniuersel de Chrestiés, ou par le Souuerain Pontife, ou par Pierre mesme. Combien plus si ceux qui donnent l'ordination aux autres & les establisent, sont pires qu'eux, si leurs ceuures sont ouuertement encores pi-

point ouy parler, ayant esté nourri à la Cour de Rome sous les Papes Iean XXI. Clement VI. Benoist XII. parloit encore plus rudement de ceste cour environ l'an 1350. que ne font icy les Vaudois.

37. De vray Iudas, bien que N. S. luy mesme l'eust establi, neantmoins lors qu'il eult trahy N. S. par vn baiser, il se monstra vrayement ennemy de Christ, & les Apostres sans doubte l'eurent lors en detestation, & deuoient le fuir & condamner, comme ils ont fait mesme apres sa mort.

res? Que sera-ce s'il appert qu'ils ayent achepté notoirement le Pontificat, s'ils exposent en vente les charges Sacerdotales, & qu'ils establisent sur les Eglises, non par erreur, mais par malice<sup>38.</sup> ceux qu'il conste estre totalement indignes, & qu'ils n'ont rien fait en toute leur vie qui fut digne non seulement d'un Prestre, mais d'un Chretien? Obeirons-nous à tels Prestres & Prelats, qui ne nous meinent à salut, ny par<sup>39</sup> parole, ny par œuure, mais plustost taschét de nous trainer avec eux en ruine? Nostre Sauueur ne dit-il pas,

38. Celuy qui choisit des personnes dont il cognoist l'incapacité, l'impieré, l'indignité en plusieurs sortes, ne pouuant pas dire qu'il face ce chois par erreur, s'en suit qu'il le fait par malice, c. d. par vne mauuaise volonté.

39. Comme n'enseignás point du tout, ou enseignans souuent des faulces doctrines.

qu'il ne se faut pas laisser conduire par des <sup>40.</sup> aueugles, de peur que si vn aueugle meinel'autre ils ne tombent tous deux en la fosse? N'a-il pas prononcé que tels sont retranchez de la vie de l'Eglise & du corps de Christ, destinez au feu? Comment se peut-il faire que celuy soit <sup>41.</sup> Vicairre de Christ qui n'est pas seulement Chrestien, ny membre du corps mystique de Christ, lequel il commande de fuir, cōme Payen & peager, pendant qu'il est incorrigible? *Et fueillet 38.* L'auctorité <sup>42.</sup> Apostolique, la foy de Pierre, laquelle

40. Il y a deux sortes d'aueuglement, d'ignorance, l'vne priuative, quād ceux qui doiuent enseigner ne sçauent rien du tout, l'autre positive, quand ils se persuadent & taschent de persuader aux autres des fausses doctrines. C'est à ceste derniere sorte d'aueuglement que regardent principalement les Vaudois conformement à l'intention de N.S.

41. Ne pouuant errer, ne deuant estre repris ny jugé d'aucun, à la voix duquel tous doiuent toute sorte d'obeissance, comme à celle de Christ mesme, comme le Pape dit de soy.

42. Icy Seissel entrecoupe tellement le propos des Vaudois & l'entremesse de ses gausse-

Christ a dict ne de-  
 uoir point defaillir,  
 l'Eglise Catholique,  
 avec laquelle il pro-  
 met de demeurer, se  
 trouue entre nous,  
 qui imitons la vie  
 des Apostres, qui se-  
 lon nostre fragilité  
 gardons leurs man-  
 demens & ordon-  
 nances. No<sup>o</sup> 43. som-  
 mes ceux-là mes-  
 mes, dont parle l'A-  
 postre S. Paul escri-  
 uant aux Corin-  
 thiens, *Freres, Consi-  
 derez vostre vocation,  
 c'est que vous n'estes  
 pas plusieurs sages se-  
 lon la chair, ny plu-  
 sieurs puissants, ny plu-  
 sieurs nobles, mais Dieu  
 a choisi les choses sot-  
 tes du monde, pour con-  
 fondre les sages : les  
 choses infirmes pour  
 confondre les forts : les*

ries, lesquelles nous n'a-  
 uons point icy cou-  
 chees, qu'on ne peut pas  
 bien voir ny leurs ter-  
 mes, ny la suite de leur  
 propos. Neantmoins il  
 n'est pas mal-aisé d'ap-  
 percevoir leur inten-  
 tion, asçauoir, que quād  
 Dieu pour lors n'auroit  
 point eu d'autres Eglises  
 que les leurs, qu'il n'au-  
 roit pas pourtant esté  
 sans Eglise, que ses ora-  
 cles & promesses, que le  
 party du Pape restreint  
 iniquement à soy, ne  
 lairroient pas d'auoir  
 leur accomplissement.

43. Les Vaudois ne par-  
 loient pas si cruëment,  
 mais d'autant que leurs  
 ennemis les desprisoient  
 à cause de leur peu d'ap-  
 arence, comme s'ils  
 n'eussent esté que *racail-  
 le, que lie, que pecores &  
 bestes sauvages*, com-  
 me Seissel mesme parle  
 d'eux f. 38. & 39. sous  
 ombre qu'ils estoient  
 contraincts de se cacher

*contemptibles & celles qui ne sont point pour détruire celles qui sont.*

*Ainsi Paul luy mesme dit, qu'il a esté enuoyé pour euangelizer, non point en magnificence ou sapience de langage, mais en simplicité de propos: adioustant au contraire ce que dit le Seigneur, Je destruiray la sagesse des sages & reprouueray la prudence des prudens.*

és déserts, és montagnes. Les Vaudois re-  
pliquoient avec raison que leur apparence contemptible ny la splendeur des autres n'estoit pas ce sur quoy il falloit asseoir iugement, non plus qu'à Corinthe du temps de S. Paul, ou en la terre d'Israël du temps d'Achab, d'Achas, de Manassé, & autres tels persecuteurs, dont parle S. Paul Hebr. 11. 36. 37. 38.

---

## CHAP. IV.

*Ce que Seissel reprend aux Vaudois.*

**L**Es crimes dont Rome deust rougir le plus, sont ceux pour lesquels elle pretend nous faire rougir. Cela se voit en toutes les controuerses que nous auons avec elle, notamment lors qu'il est question des liures canoniques. Nous l'accu-



sons de ce qu'elle les condamne d'insuffisance, comme si ce sacré Canon n'estoit qu'à demy le canon, c. d. la reigle de nostre foy. Au contraire Rome pretend no<sup>o</sup> accuser de ce que l'Écriture nous suffit és choses qui regardent le salut & la reigle de nostre foy. C'est par où Seissel commence d'arguer les Vaudois.

1. *Ils reçoivent, dit-il, seulement ce qui est écrit tant au vieil qu'au nouveau Testament.* Seissel f. 4 Ils ne reiettent aucun des principes de vérité, qui sont comme naturellement grauez par la main du Tout-puissant en la droicte raison, & qui conséquemment sont reconeus pour veritables & certains en toutes nations. Appert par ce que Seissel mesme leur dit fueil. 5. & 9. *Je me suis du tout estudié de les conuaincre par les plus evidens tesmoignages de l'Écriture & par argumens & raisons naturelles.* Comme donc la grace ne destruit point la nature, mais l'accomplit ou la corrige. Aussi les Vaudois, quelques grossiers qu'on les face, ne reiettoient point ce qui est de la droicte raison que la nature mesme nous apprend à tous, les principes dont toutes nations demeurent d'accord. Mais *ils nioient, dirés-vous apres Seissel f. 7. souuent les prin-*

*cipes de la Theologie, voire de la Philosophie.* Autant en dit-on bien de nous. Mais ce qu'eux & nous nions, ce sont des pontil-les sophistiques, dont on fait des principes tantost de Theologie, tantost de Philosophie, qui ne sont en effect que petitions de principe, c. d. fausses & frauduleuses presuppositions. Mais d'autant que nostre raison ne peut aucunement s'esleuer à rechercher ny comprendre les mysteres de salut, à ce defaut le Seigneur a pleinement suppléé par les enseignemēs qu'il nous a donnez és liures du vieil & nouveau Testament, lesquels à ceste occasion sont appelez canoniques, c. d. la reigle de nostre foy.

*Seissel f. 6.* 2. *Ils disent que les Pontifes Romains & autres Prestres ont deprané l'Escriture par leurs doctrines & par leurs gloses.* Ce n'est donc pas seulement pour leur mauuaise vie, comme Seissel pretend f. 7. mais principalement pour leur fausse doctrine qu'ils se sont retirez du ioug du Pape.

*f. 7.* 3. *Ils disent qu'ils ne doiuent dismes ny premieres aux Ecclesiastiques.* Non pas à ceux du Pape, qu'ils tenoient pour imposteurs, mais bien à ceux qu'ils tenoient pour leurs Pasteurs. D'autre-part en ce poinct,

ce qui est de moral & fondamental, c'est que l'ouurier est digne de son loyer, que ceux qui seruent à l'autel doiuent viure de l'autel, pourueu qu'on y satisface de bonne foy, sçauoir, si ce sera par le moyen des dîmes, des premices, ou par autre voye, cela n'est qu'accessoire, politique, temporel, qui ne nous oblige pas precisement, non plus que les autres ordonnances politiques & iudiciales des Iuifs.

4. *Ils disent que les consecrations d'Eglises, indulgences & autres telles benedictions sont inuentions de faux Prestres.* Comment ces choses seroient-elles d'institution diuine, puis que ny les Apostres, ny les Docteurs de l'Eglise, plus de cinq cens ans apres la mort des Apostres, n'en font aucune mention, notamment des indulgences du Pape qui nous vend des pardons pour tant de centaines & millaines d'annees qu'on veut? f. 7.

5. *Ils ne celebrent point les festes des Saints.* Pourquoi le ferions nous, puis que Dieu ny les Saints ne le requierent point, puis que l'Eglise ne l'a iamais fait plus de quatre mille trois cens ans durant? f. 7.

6. *Ils disent que les hommes mortels n'ont* f. 7.

point besoin des suffrages des Saints, Christ suffisant abondamment en toutes choses. Quoy donc ? est-ce crime de rendre cest honneur à Christ ? N'est-ce pas cela mesme que dit le S. Esprit ? 1. Iean 1. 6. *Le sang de Iesus Christ nous nettoye de tout peché.* 1. Cor. 2. 1. *Ie ne vueil sçauoir autre chose sinon Iesus Christ & iceluy crucifié.* 1. Tim. 2. *Il y a un seul Dieu, & un seul Mediateur entre Dieu & les hommes, a sçauoir Iesus Christ homme.* C'est par luy seul qu'ils ont obtenu salut, c'est à luy seul qu'ils nous ont adressez par leur exemple.

- f. 7. 7. *Ils affirment qu'on peut contracter mariage en tout degré, fors qu'un ou deux tout au plus, comme si les Papes n'auoient point eu puissance d'en faire defense és autres degrez.* Ainsi au f. 48. *Ils s'abstiennent, dit Seissel, seulement d'espouser leur mere, leur fille, leur commere, & peut-estre leur sœur.* Au lieu de dire leur commere Seissel a voulu ou deu dire leur tante. Ainsi ce sont trois degrez, dont les Vaudois s'abstenoient, comme Dieu nous en defend trois, & ne nous en defend que trois, sçauoir est trois de consanguinité, autant d'affinité. Dieu vous defend d'espouser 1. vostre fille, consequemment vostre mere, & de mesmes à

l'infini, 2. vostre sœur, 3. vostre tante, & consequemment vostre niepce. Pareillement en l'affinité Dieu vous defend d'espouser 1. vostre belle fille, consequément vostre belle mere, 2. vostre belle sœur, 3. vostre belle tante, consequemment vostre belle niepce. Seissel dit que les Vaudois nes'abstenoient que de trois degrez tout au plus, parce que le Pape met au premier degre le frere & la sœur, les cousins germains au second. Les Vaudois blasmoient le Pape d'estendre ses defenses iusqu'au quatriesme degre pour en vendre bien chèrement les dispenses.

8. *Ils affirment que tout ce qu'on employe pour deliurer des peines de purgatoire les ames des trespassez est inutile, perdu, superstitieux.* En ce point Rome vrayement est en plusieurs sortes condamnable, 1. en ce que le S. Esprit nous apprenant que *bien-heureux sont ceux qui meurent au Seigneur, d'autant qu'ils se reposent de leurs trauaux,* Apoc. 14. 13. Rome dit au contraire qu'ils bruslent en vn feu plus ardent qu'aucun que nous puissions voir, & ce pour plusieurs siecles, 2. en ce qu'ils attribuent à ces flammes, qu'ils ont forgees, ce que le S. Esprit n'attribue qu'au sang du Fils de Dieu, disant,

f. 7.

1. Icani. *Le sang de Iesus Christ nous nettoye de tout peché.* Item, Hebr. 1. *Il a fait la purgation de nos pechez par son sang.* 3. en ce que Rome, son Euesque, ses Officiers s'attribuent pouuoir de deliurer de ce tourment les pauures ames, quand il leur plaist, sans en auoir en l'Ecriture titre quelconque, 4. en ce que ces pretendues faueurs ils les vendent à beaux deniers contens.

Seiffel f. 8. 9. *Ils disent que nos Prestres n'ont aucune puissance de remettre les pechez.* Leur intention est euidente, sçauoir est que la puissance des Prestres n'est pas telle qu'ils pretendent, & que la simonie, le concubinage, les autres turpitudes de la pluspart des Prestres, & sur tout leur fausse doctrine les rendent à bon droit decheus des droicts & honneurs des fideles Pasteurs, font qu'ils ont subiect de tenir le siege Romain pour la grande paillarde, comme Seiffel f. 9. s'en plaint.

f. 46. 10. *Ils disent qu'eux seuls gardent la doctrine Euangelique & Apostolique, & qu'à ceste occasion avec vne impudence intolerable ils vsurpent le nom d'Eglise Catholique.* Leur intention est que l'Eglise Romaine ayât en plusieurs sortes alteré la doctrine des Apo-

stres , la pureté de l'Euangile , ils ont esté obligez d'en sortir pour mieux obseruer la doctrine des Apostres, qu'à ceste occasion ils font part de l'Eglise Catholique, pourtant que ceux qui secoüent le ioug du Pape pour embrasser ceste reformation ne sortent nullement de l'Eglise, mais bien ceux qui quittent ceste reformation pour se relancer dans le borbier de l'idolatrie Romaine.

II. *Leurs Barbes errent grandement en ce qu'ils f. 50. ne sont point enuoyez de Dieu, ny des Pasteurs de l'Eglise, mais du diable, comme appert par leur damnable doctrine.* Au contraire, veu que la doctrine qu'ils condamnoient en l'Eglise Rom. est iustement condamnable, appert que Satan ne les a point incitez à cela. Car il n'incite personne pour ne condamner que du mal. Quant à la vocation, puis qu'entre les Vaudois chacun n'estoit pas Barbe (ainsi appelloient-ils leurs Pasteurs) appert par là qu'il y auoit vn ordre, consequemment election, mission, ordination. Mais par ce qu'ils ne la receuoient pas immediatement des Euesques, Seissel pretend qu'elle estoit nulle. La conclusion est notoirement violente. Car les premiers pasteurs des Albigeois

pouuoient auoir receu la vocation des Euesques à l'ordinaire, & depuis l'auoir transmise à d'autres de main en main, comme nous le voyons en Suisse, en Allemagne, en Angleterre & ailleurs.

f. 53. 12. *Ils disent que l'authorité d'ouir les confessions appartient à tous les Chrestiens qui cheminent selon les preceptes des Apostres ( ce que leurs Barbes s'attribuent ) veu que S. Iacques dict, confessez vos pechez l'un à l'autre. L'intention des Vaudois estoit que leurs Pasteurs estans deuement appelez à leurs charges, & d'ailleurs estans trop plus conformes aux mœurs & à la doctrine des Apostres que les Prestres, ils n'auoient pas moins d'authorité pour remettre les pechez que les Prestres, & que S. Iacques n'authorise point les Pasteurs à exiger de leurs troupeaux la confession de tous leurs pechez, mais qu'il oblige to<sup>p</sup> fideles à se preuenir l'un l'autre par honneur, & demander pardon à ceux qu'ils ont offensez sans pour cela renuerser l'ordre par lequel ailleurs Dieu nous oblige tous à cheminer en nostre vocation, & consequemment rendre à qui honneur, honneur, à qui tribut, tribut. Rom. 13.*

f. 54. 13. *Ils disent qu'il ne faut receuoir aucune for-*



te d'oraison, s'il ne conste qu'elle ait esté composée par quelque certain autheur & approuvé de Dieu. Pour impetrer quelque chose de Dieu. Leurs Barbes ont souvent presché cela pour abolir le service de la glorieuse Vierge & des autres Saincts. Leur conclusion montre quel est le sens de leurs premisses, aſç. que nous ne devons point faire des prieres à Dieu, dont nous n'ayons le modele en l'Eſcriture, c. d. qui ne soit en substance conforme aux prieres que nous auons en l'Eſcriture, & sur tout à l'oraison Dominicale. Or en toute l'Eſcriture nous n'auons aucune priere qu'à Dieu, dont s'ensuit que les prieres adressees aux Anges ou aux Saincts, n'ont aucun modele, ni fondement en l'Eſcriture.

14 *Ils ne tiennent pas qu'il faille que les fideles* f. 54. *reciterent à la mere de Dieu la salutation Angelique, disans qu'elle n'a point forme d'oraison, mais de salutation. Mais en effect c'est afin qu'ils soustraient ce service à la vierge, disans qu'il n'est permis de l'adorer, ni servir, non plus que les autres Saincts. A ce compte Seiffel maintient qu'il faut servir & adorer les Saincts, contre l'expres commandement de Dieu disant: Tu adoreras le Seigneur ton Dieu, & à luy seul tu seruiras. Mat. 4. Or que*

*l'Aue Maria* soit ineptemēt employé pour inuoquer la Vierge, veu que c'est vne salutation, en laquelle l'Ange Gabriel prioit Dieu pour elle, Seiffel mesme n'a pas osé le nier.

f. 56. 15 *Ils affirment que les benedictions des Prestres n'ont aucune vertu.* Ouy bien celles qui sont de l'inuention des hōmes, comme pour benir des cimetieres, des chapelles, de l'eau benite, des cloches &c. lesquelles sont de toute autre nature que les benedictions que nous pouuons & deuons nous donner les vns aux autres.

f. 57. 16 *Christ n'a-il pas beni le pain au desert?* Nous ne deuons point prendre nos repas que nous ne benissions à l'exemple de N. S. le nom de Dieu, le prians de nous faire la grace de bien vser de ses biens. Pourtant disent les Vaudois, f. 56. *Quand les Apostres prenoiēt leurs repas, ils benissoient ce qu'on mettoit sur table.* Mais faut-il pour cela forger sans commandement, ni exemple des benedictions à nostre poste pour benir tout ce qui nous vient en la teste?

f. 58. 17 *Ils disent qu'aux Eglises il ne faut point d'eau benite, par ce que Christ ni ses Apostres ne l'ont ni fait ni commandé de faire, comme si*

nous n'auions rien à dire ni à faire que ce que nous lisons auoir esté fait par eux. Non pour en faire part du seruire de Dieu suiuant ce que dit N. S. Mat. 15. *En vain me seruent les hommes, ensuiuant pour doctrine les doctrines des hommes.* voyez Marc. 7. 7. Esaie 29. 13. Tite 1. 14. Colos. 2. 22.

18 *Ils affirment que les indulgences octroyées par l'Eglise sont à mespriser.* Et qui ne mespriserait, ou plustost detesterait la Simonie du Pape, qui sous titre d'indulgences, fait trafic des ames & vend la remission des pechez? f. 61.

19 *Ils disent que les ames des trespasés sans estre examinees par aucune purgation en sortant des corps reçoient incontinent la ioye ou le supplice, & que les ecclesiastiques auenglés par leur conuoitise ont controuué le purgatoire.* Les Vaudois netenoient point non plus que nous qu'aucun entre dans le ciel sans auoir esté cy bas iustificié, purgé, nettoié au sang de Iesus Christ, sanctifié par le S. Esprit. Mais les comptes fabuleux qu'on forge tous les iours touchant le purgatoire à quoy peut-on en attribuer l'inuention qu'à l'auarice? f. 68.

20 *Si par la loy diuine & par la charité humaine nous sommes obligés à visiter & racheter* f. 66.

ter les prisonniers, qui peuvent aucunement se secourir eux mesmes & par la patience d'un peu de temps tolerer la misere de leur captivité, combien plus sommes nous obligez à secourir ceux, lesquels estans bourrelés par horribles & effroiabes tourmens nous croyons ne pouvoir estre secourus que par l'ayde d'autruy? Mais sur quoy fondee ceste croyance? S'ils ne sont point morts au Seigneur, l'Escriture ne nous dit point qu'ils puiffēt estre secourus par les suruiuans. S'ils sont morts au S. el-le no<sup>o</sup> dit, Apoc. 14. *que dès maintenāt ils sont bien heureux, qu'ils se reposēt de leurs trauaux.* Auec quel front peut-on dire que nous soions plus obligez à faire ce que Dieu n'a iamais requis de nous, qu'à faire ce qu'il nous a tant de fois recommandé? Si prier pour les morts estoit vn œuure de charité, necessaire pour les morts, agreable à Dieu, Dieu qui tant de fois nous a recommandé tant de sortes d'offices charitables enuers les viuans, auroit-il oublié celuy dont aujourd'huy vous faites plus de cas que de tous les autres?

f.66. 21 *Posé le cas qu'on fust en doute, s'il y a vn Purgatoire, vaut il pas mieux suivre la voye la plus seure?*

Les Vaudois ne l'ont point mis en dou-

te, mais ont creu fermement que c'est vne inuention des hommes, sans fondement de l'Escriture, voire contraire à plusieurs enseignemens de l'Escriture. La plus seure voye cest celle que Dieu nous prescrit disant, Deuteronomexij.

*32. Tant seulement ce que ie te commande tu le feras, tu n'y adiousteras rien, tu n'en osteras rien.*

Or Dieu ne nous a iamais commandé de prier pour les morts, ny de prier les morts, beaucoup moins d'achepter telles sortes de prieres à prix d'argent, ny de faire nos aumosnes à ceste fin qu'elles seruent aux necessitez des morts.

*22. Ils disent que les Saincts ne peuuent entendre ce qui se fait icy bas.* f. 68. Mais qui peut dire

que S. François oye, voye, sçache tout ce qui se fait icy bas, qu'il sonde les reins, qu'il sçache ce qui no<sup>e</sup> est salutaire, sans le faire tout puissant, present par tout, infini comme Dieu? Salomon en son Ecclesiaste c.

*9. dit bien plus, asç. qu'ils ne sçauent rien de tout ce qui se fait sous le Soleil, asç. en detail.*

*23. Ils detestent beaucoup plus les images & le* f. 68  
*signe de la croix que nous adorons.*

Ce n'est ny l'image, ny la croix, ny le signe de la croix qu'ils detestoient, mais l'adoration de ces choses, n'y ayant que

Dieu qu'il faille adorer, & sur tout nous estant defendu d'adorer, venerer, ny servir aucune representation faite de main d'homme, Ps. 135. Exod. 20.

f. 68. 24. *Si nous croyons que les Anges assistans au throne de Dieu sçauent, entendent & soignent les choses humaines, comment croirons nous que cela soit refuse aux hommes?*

C'est autant que si vous disiez, Si nous deuons croire ce que Dieu nous a plusieurs fois affirmé, combien plus deuons nous croire ce qu'il n'a iamais dict, voire qu'il a formellement dementi tant par l'Ecclesiaste c. 9. qu'en Esaye c. 63. disant *Abraham ne nous a point cogneu.*

f. 69. 25. *Voyez ce que dict Iesus Christ en la parabole du mauuais riche & de Lazare.*

Puis que c'est vne parabole, faut regarder au but principal de N. S. qui est de nous apprendre que nous ne deuons pas nous attendre que les morts viennent icy bas nous enseigner, & qu'au sortir de ceste vie les bons entrent au lieu de repos & les meschans au lieu de tourment, ce qui renuerse le purgatoire. Mais ny en ceste parabole, ny és autres toutes les circonstances ne se doiuent presser & ne peuuent confirmer que ce qui desia paroist d'ailleurs

en l'Escriture, tants'en faut qu'il le faille opposer à ce qu'ailleurs l'Escriture nous apprend, Ecclesiaste 9.6. Esaye 63.16.

26. *Dieu nous commande que nous le louions, venerions, admirions en ses Saincts.* f. 72.

Aussi nous fait-il commandement de le louer, venerer, admirer au Ciel, és eaux, en la terre, mais pour cela nous est-il permis de les venerer? c'est l'escueil auquel les Payens ont fait naufrage. l'Escriture nous permet-elle d'inuoquer, de venerer autre que Dieu, de rendre service quelconque religieux à autre qu'à Dieu? Ains dit-elle Rom. 10. 14. *Comment inuoqueront-ils celuy auquel ils n'ont point creu? Or Maudit est l'homme qui se fie en l'homme.* Ierem. 17. 5.

27 *Avec quelle impudence crois tu qu'il faille deshonorer ceux qui outre ce qu'ils sont heritiers de Dieu, coheritiers de Christ, doiuent iuger de ton salut ou de ta damnation eternelle?* f 73.

Faire comme les saincts ont fait ce n'est pas les deshonorer, (ia n'aduienne que nous les deshonorions) ains c'est les honorer. Au reste, si tu es des enfans de Dieu, tu seras aussi bien qu'eux heritier de Dieu, coheritier de Christ, iuge du monde, c. d. 1. Cor. 6.  
des enfans de ce monde. Rom 8. Voire dès à present, 1. Cor. 1. le spirituel iuge de toutes choses, & luy

n'est iugé d'aucun, c'est asç. d'autre que de Dieu mesme, voire entât qu'il est spirituel. De son election, dy-ie, de son adoption, de sa sanctification interieure nul n'en peut prononcer, comme iuge, sinon Dieu mesme.

f. 73. 28. *Ils ne distinguent pas entre l'adoration de latric, qui est deuë à Dieu, & celle de dulie qui est deuë aux saints.*

Ains celle mesme de dulie n'est deuë qu'à Dieu, Rom. vij. 25. xij. ii. xiv. 18. Colos. iij. 24. I. Thes. i. 9. Faut donc autrement distinguer & reconnoistre que de vray le seruire, le respect, l'honneur civil est de telle nature, que nous pouuons, voire que Dieu nous cōmande de le rendre les vns aux autres, & sur tout à nos superieurs. Mais quant à l'honneur ou seruire religieux, c'est ce qui n'est deu qu'à Dieu, soit qu'on l'appelle latric, soit qu'on l'appelle dulie. Ceux qui ne rendēt qu'à Dieu l'honneur religieux sont les plus soigneux à rendre toute sorte d'hōneur civil à leurs superieurs. Mais les plus bigots & superstitieux adoreurs des creatures sont les plus prompts à tremper leurs mains dans le sang de leurs Princes.

f. 73. & 74. 29. *Les Payens ont esté bien plus reconnois-*



*sans enuers leurs bien-faiçteurs, leur dediant des temples, ieus, statues, autels, festes, &c.*

De vray ce sont les Payens, qui vous ont appris à faire ces choses non les Prophe-tes ny les Apostres, qui n'ont rien fait de semblable à aucun de leurs ancestres & bien faiçteurs.

30. *Les Payens ont excédé leur dediant des hō- f.74.  
neurs diuins.*

Ces honneurs diuins, ce sont les tem- ples, autels, encensemens, festes. C'est ce que vous faites à vos sainçts. Vous exce- dez donc aussi bien que les Payens.

31. *Ils les pensoient estre Dieux.*

f.74.

Ils les appelloient Dieux, & vous *Diuos*. C'est le mesme mot, c'est la mesme chose. Ils inuoquoient leurs Dieux, vous inuo- qués vos Sainçts. Ils faisoient des encen- semens, des temples, des autels aux creatu- res; aussi faites vous. Vous ne leur faites point de sacrifices, direz vous; aussi n'en faites vous point à Dieu. Ainsi Seissel mesme f. 75. attribuë *numen*, c. d. diuinité tant aux Sainçts qu'à Iesus Christ.

32. *Si la multitude des festes apporte du de- f.74.  
triment, les prelates en scauent bien donner dis- pense, quand la necessité le requiert, ou autre cause legitime.*

Ains tous les iours on multiplie les festes, & les hommes enclins à la desbauche n'en demandent que les occasions, & les iours les plus ruineux au peuple, sont ceux auxquels les Prestres font le mieux leurs affaires.

f.74. 33 *Quant aux ieusnes que l'Eglise Catholique a ordonnés en l'honneur de Dieu ou des Saints, ils ont encore moins de subiect de les nous obiecter. Les Pasteurs qui ont ordonné des ieusnes en l'honneur des Saints, n'ont peu le faire comme conducteurs de l'Eglise Catholique, ny comme la representās, puis que plus de quatre mille cinq cens ans durant l'Eglise Catholique, qui commence par Abel, n'a rien fait de semblable. Mais de ieusner pour s'humilier deuant Dieu, les Vaudois le faisoient mieux que ceux qui les blasmoient. Leurs ieusnes consistoient en abstinence de viande, & non pas à condamner certaines sortes de viandes.*

f.75. 34 *S. Paul dit qu'il ne mangera plustost iamais chair que de scandaliser son prochain. Ouy bien, s'il est infirme, mais non pas qu'il faille pourtant entretenir le seducteur en l'audace de ses commandemens tyranniques.*

35 Et quel plus grand scandale que de mes- f. 78.  
 priser les commandemens de l'Eglise? Mais  
 quel crime, consequemment quel scan-  
 dale que de maintenir comme comman-  
 demens de l'Eglise, ce que S. Paul appelle  
 doctrine des diables? 1. Tim. 4. 1.

36 Ils affirment que le mensonge est tousiours f. 81.  
 vn peché mortel, par ce que Dauid dit, Dieu  
 perd tous les menteurs. Mais appert qu'il faut  
 moderer ces propositions generales. Autre-  
 ment qui seroit sauué? Aussi deuons nous  
 recognoistre de cœur & de bouche que  
 nul n'est sauué par son merite, veu que le  
 gage du peché c'est la mort, mais le don de Dieu  
 c'est vie eternelle. Rom. 4. Ce que nous som-  
 mes sauués c'est de grace. Rom. 11. Ephes. 1.  
 Tit. 2.

37 Nul des Saincts n'a esté net ab hoc scele- f. 83.  
 re de ce crime-la. Aussi les Vaudois ne di-  
 soient-ils pas que tout mensonge fust vn  
 crime, mais vn peché. Or l'E. scripture a tout  
 enclos soubs peché, afin de faire misericorde à  
 tous, afin que tous ceux qui sont sauués  
 sçachent, que c'est par misericorde, non  
 par merite.

38 Paul pour cuiten la mort n'a-il pas usé de f. 84.  
 mensonge? disant, Je suis iugé à cause de la re-  
 surrection des morts, &c. En cela S. Paul

n'a point menti. Car il n'a pas dit que telle estoit l'intention de tous. Suffit pour sa iustification qu'en effect les Sadduceens le poursuiuoient pource que maintenant que Iesus Christ estoit ressuscit  des morts, il prouuoit excellemment contre eux la resurrection des morts. Pareillement les deux autres mensonges que Seissel attribue   S. Paul se peuuent iustifier. Mais sur tout est insupportable que pour maintenir contre les Vaudois que tout mensonge n'est pas pech , Seissel a bien l'assurance de prouuer que Iesus Christ a menti, voire plusieurs fois. Ce blaspheme est indigne de responce.

---

## CHAP. V.

*Ce dont nous sommes d'accord  
avec Seissel.*

f. 8. I. **N**ous ne pouuons pas nier que la pluspart des Papes, Prestres & Diacres, cheminent tout au rebours des traces des Saints Apostres & de l'Eglise primitive, non seulement par auare conuoitise, mais aussi par lasciuete charnelle, qu'ils salissent & deshonnorent la di-

gnité sacerdotale par luxe & par mœurs dissolues de toutes parts, qu'ils confondent & profanent presque toutes les choses sacrées par exemple malheureux, &c. Et Dieu promet il à telles gens qu'ils auront ce droit de ne pouuoir errer en la foy? Ne nous enioint il pas de nous soustraire de tout frere cheminât desordonnément? 2. Thef. 3.5. Cōbien plus sommes nous obligez à nous garder du leuain des Pharisiens? Combien plus lors que leur doctrine aussi bien que leur vie porte les liures de Babel?

2 *En toute Loy nous lisons auoir esté ordonné* f. 17. *ou obserué; que celui que le peuple, le Prince, ou ceux qui par le decret du peuple ont puissance d'eslire, que celui, di-ie, qu'ils auront choisi pour Pasteur, soit tenu pour Pasteur, & qu'il iouisse de sa charge, encore que par leurs loix, aussi bien que par la nostre, il soit ordonné qu'on eslise celui qui est idoine. Mais sçauoir qui est cet idoine, cela est laissé au iugement de ceux auxquels est donnée ceste puissance, iusqu'à ce que l'eslection soit reprobuee par vn decret public. C'est iustement ce que pratiquoient les Vaudois, qui apres auoir long temps enduré leurs Prestres pour leur mauuaise vie & leur fausse doctrine, ne pouuans en obtenir aucun amendement, par com-*

mun consentement d'une bonne partie du troupeau le pouruoyent d'autres Pasteurs, qu'ils appelloient en leur langue Barbes. En ceste procedure, que faisoient ils contre la parole de Dieu? Avec quel droit donc, voire disons, avec quel front les Prestres Simoniaques & concubinaires, peuuent-ils nier que leurs Pasteurs & les nostres ayent vocation legitime, & sous ce pretexte reietter tout ce qu'ils disent de bon, leur refuser audience, comme non receuables?

f. 25. 3 *Posé le cas que nos erreurs soient tellement manifestes, qu'ils ne peussent aucunement estre excusés, & que celui qui est esleu pour souuerain Pötife, soit infame de plusieurs crimes, tellement qu'on n'en puisse esperer aucun bon fruiçt ny de doctrine ny de vie. L'authorité de l'Eglise pourtant ne defaudra pas en lui; si pour le moins il a esté choisi gardant l'ordre du droit. Et on ne peut pas dire que la cause finale de l'institution du Pasteur cesse totalement, sur tout la principale, d'autant qu'elle n'a pas sa racine en lui. Mais la vertu de Christ s'exerce, I N E O, en lui, ou par lui, comme vn instrument de l'Eglise, à raison de quoy quand il dit à Pierre, Tu es Pierre, & sur ceste pierre ie bastirai mon Eglise, il ne dit pas qu'il la bastira sur Pierre,*

mais sur soy mesme, qui est la vraye Pierre, comme dit S. Paul, que la pierre estoit Christ & la pierre angulaire. Nous disons le mesme des autres Apostres, lesquels on ne doute point qu'ils n'ayent receu de Christ esgale puissance pour la mesme raison. Tout ceci les Vaudois le croyoient pour certain aussi bien que nous, & le maintenoient contre plusieurs flateurs du Pape, qui tenoient bien vn autre langage: les Vaudois, di-ie, le croyoient au regard des charges instituees de Dieu, comme sont les Pasteurs & les Diares. C'est pourquoy les enfans baptizez par les Prestres, quelques vicieux qu'ils fussent, les Vaudois ne les rebaptizoient point non plus que nous. C'est aussi pourquoy nous aduouons que Dieu n'a iamaiz esté sans Eglise, ny son Eglise sans Pasteurs. Car les Prestres mesmes, bien que mauuais Pasteurs, ne laissoient d'estre Pasteurs; & de donner par fois quelque bonne pasture, comme fait ici Seissel, dont les bonnes ames faisoient leur profit. Mais ceux qui pouuoient se pouruoir d'autres meilleurs Pasteurs, pourquoy seroient-ils blasrables? Au contraire s'il ne te chaut destre cõduit par vn aueugle, seduit & seduissant, sur tout lors que tu en

vois d'autres annonçans plus purement la doctrine de l'Euangile, ne vas-tu pas te precipitant en la fosse avec tes aueugles conducteurs ?

f. 26.

4 *Si les deux qualitez se rencontrent, asçavoir que quelqu'un soit disciple ou Apostre de Christ en merite & en dignité tout ensemble, nul ne nie que ceste double authorité ne soit de beaucoup plus grande vertu & efficace.*

C'est ce que maintenoient les Vaudois, recognoissans bien aux Prestres le droit qui les obligeoit & authorisoit à faire la charge de Pasteurs, à raison de quoy souvent ils escoutoient leurs Sermons, & se trouuoient quelquesfois à leur seruice à raison de plusieurs bonnes choses qui s'y disent. Ils ne leur deferoient que trop, au moins quelques vns d'entreux soit par infirmité, soit par desir de paix. Mais ils auoient, autant qu'il leur estoit possible, quelques Pasteurs qui eussent les deux qualitez que Seissel mesme requiert : qui fussent, comme dit l'Apostre, dignes de double honneur, 1. Tim. 4.

f. 36.

5 *Si personne ne nous corrige, & que nous mesmes ne nous corrigions point, tolere patiemment nos erreurs, nos erreurs, di-ie, non en la foy, mais en la vie. & f. 37. Pourueu que la foy*

ne



ne luy manque point. C'est ce que faisoient les Vaudois tolerans plustost trop que trop peu les erreurs des Prestres, & s'estâs choisi quelques Pasteurs plus fideles que les Prestres, principalement à raison des erreurs en la doctrine, que les Prestres maintiennent. Mais avant que d'auoir esprouué leurs faussetés, qu'ils les tolerassent grandement, appert par ce que Seissel mesme dit, f. 2. *Au commencement de mon Pontificat allant là ils me receurent avec vne grande humilité & charité, & receuoient avec grande attention mes sermons, qui tous estoient contre l'impieté de leur secte.* C'est pourquoy voians qu'il continuoit à leur donner mauuaise pasture, ils ne continuerent plus à l'ouir. Ils en faisoient autant aux autres. Mais apres auoir plus de cinq cens ans durant exhorté les Prestres à reformer tant leur doctrine que leur vie, apres auoir si long temps, si patiemment esprouué s'ils s'amenderoient, voians leur endurcissement incorrigible, quel besoin est-il de les plus esprouuer en ceste sorte? Avec quelle raison souffrirons nous d'estre tousiours nourris d'yuroie, pouuâs estre nourris de bon grain?

6 *Si tu tolères la cruauté puri hominis de ce* f. 36.

luy qui est simplement homme, par ce que Dieu te l'a donné pour Prince, pourquoi non aussi de celui qui tient la place de Christ, & qui tient les clefs de l'Eglise, voire des cieux? par là nous apprenons, 1. que les Vaudois estoient fideles à leurs Princes, bien que durs & cruels. 2. que les Papes leur estoient cruels. 3. que le Pape pretend n'estre pas simplement homme, sous ombre qu'il pretend estre general vicaire de Christ. Or ce sont ces deux pretentions que les Vaudois nioient, comme n'ayans aucun fondement en l'Escriture. Quand nous disons que le Pape se fait Dieu, que les flateurs en font vn Dieu, on dit que c'est calomnie: mais en ce poinct Seissel nous fournira de descharge: car, dit-il, f. 36. *de quelque crime qu'il soit empestre, assauoir le Pape, c'est vn Ange de Dieu, il est successeur des Apostres, vicaire de Christ, voire ie diray plus hardiment, il est Christ.* Et c'est principalement à raison de telles vanteries du Pape & de ses aduocats, que les Vaudois & nous l'appellons fils de perdition, & sa faction la grande paillarde.

f. 38. 7 *Si le souuerain Pontife te commande que tu offenses à tort ton prochain, ou que tu commettes quelque autre chose contre la Loy, n'obey*

point, & quand il le feroit ne l'imite point. Appert par là combien il s'en faut que le Pape soit Christ, combien faussement le Pape pretend ne pouuoir errer non plus que Christ, & combien à bon droit les Vaudois reiettoient les mandemens & exemples du Pape concernans la veneration des images & des reliques, la reiteration du sacrifice de Iesus Christ, le retranchement de la coupe, & choses semblables.

8 *Ils diront parauanture qu'en l'Eglise militante tousiours y a eu, tousiours y aura quelques hommes saints & innocens &c.* f. 40<sup>b</sup>

Nous sommes obligéz à le croire, mais non point à prouuer où, ny qui estoient ces saints & irreprehensibles selon les hommes, soit en leur vie, soit en leur doctrine ou creance.

9 *Nous souscrirons volontiers à leur aduis, s'ils disent que l'Eglise peut en quelque façon estre dite sans macule, toute belle, à cause des iustes & conioincts avec Dieu, qui se sont trouués & se trouueront tousiours en l'Eglise militante, &c.* De vray ny les loups ny les boucs, n'ont point de part à cét honneur. f. 40

10 *La perfection de l'Eglise ne se doit attendre qu'au second aduenement de N. S.* f. 40

Et donc ne faut pas s'esbahir s'ils demeurent quelques tares parmy les pures Eglises, en quelque siecle que ce soit, soit entre celles des Vaudois d'alors, soit entre les nostres de France, d'Allemagne, ou d'ailleurs.

f.41. II *L'Eglise Catholique bien que d'une façon speciale elle comprenne les predestinez, ou qui sont dés à present iustes, c. d. iustifiez en Iesus Christ, comme parle S. Paul, Rom. v.1. viij. 1. & conioincts à Dieu par charité, toutesfois en deuis communs elle consiste en l'assemblee & conspiration des fideles.*

Seiffel prend en trois sortes le nom d'Eglise. En ce faisant il ne contreuient point à la croyance des Vaudois ny à la nostre. Seulement parlons vn peu plus distinctement. Quand l'Escriture parle des faueurs speciales de Dieu enuers l'Eglise, cela s'entend des esleus, les reprouuez n'y ont point de part. Quand elle parle de nostre deuoir enuers l'Eglise, cela s'entéd de ceux qui font au moins exterieurement profession de seruir à Dieu par Iesus Christ, cerchans leur salut en sa grace. Tandis que cela demeure, les defauts qui s'y trouuent n'empeschét pas que le nom d'Eglise ne puisse leur conuenir, bien que

ces defauts regardent non seulement les mœurs, mais quelques poinçts de doctrine. Quelquesfois aussi le mot d'Eglise designe particulièrement les Pasteurs. De là nous pouuons tirer la responce à ce que Seiffel reproche aux Vaudois disant; f. 43. *Ils ne sçauent ce qu'ils disent, quand ils se maintiennent estre l'Eglise de Christ sans macule.* C'est au contraire: Seiffel qui n'entend pas leur intention, qui est que Dieu n'estoit point sans Eglise, bien que ceux qui se disoient estre l'Eglise fussent indignes de ce titre, d'autant que la desloyauté des plus apparens conducteurs de l'Eglise n'empeschoit pas que Dieu n'eust quelque reuerue de vrais enfans & de fideles Pasteurs de l'Eglise, soit entre les Vaudois, soit entre les Indes, soit dans Rome mesme, soit ailleurs.

12. *Pierre fut à bon droit repris par Paul, parce que par crainte non de mort, mais de scandale il se soustrayoit de la société des fideles d'entre les Gentils, lors qu'il sentoit approcher les Iuifs.* f.47.

Seiffel dit tres vray : pourtant c'est à grand tort que Baronius maintient si prolixement & opiniaistrement en ces Annales l'an 51. que saint Pierre n'a rien fait en ce poinçt que tres bien & tres sage -

ment. Or qu'en ce poinct les Vaudois fussent d'accord avec Seissel, appert par ce que lui mesme dit f. 47. que *les Vaudois tenoient tout mensonge pour peché mortel.* Quant à ce qu'il les accuse, qu'ils ne laissoient pas de faire pis que S. Pierre, c'est vne autre question. Car ne confessons-nous pas toutes ces deux choses? 1. que les menteurs sont enfans du diable, que Dieu destruit tous les menteurs. 2. que *tout homme est menteur.* Nous choppons tous en plusieurs choses, mais au moins devons-nous recognoistre que nos achoppemens sont fautes, sont pechez, dont nous devons nous corriger, & demander pardon à Dieu.

f. 48. 13 *Ceste sorte de gens ne se doit pas glorifier de ce qu'en la plus part ils vivent bien, & gardent la loy Chrestienne mieux que la plus part d'entre nous, mieux peut estre que nous autres sacrificeurs: car ils ne sont pas iustifiez pour cela.*

Aussi recognoissoient-ils que c'est de grace que nous sommes iustifiez par foy, non par les œuures de la loy, comme dit S. Paul Rom. 3. 27.

f. 52. 14 *Communiquer en particulier la grace de doctrine qu'on a receüe de Dieu c'est œuvre de*

*pieté, pouruen qu'on le face bien & charitable-  
ment. Mais d'enseigner publiquement ce qui re-  
garde la foy, n'est loisible qu'à ceux qui en ont  
permission des conducteurs de l'Eglise.*

C'est iustement ce que croyoient, c'est ce que pratiquoient les Vaudois aussi bien que nous. Chaque particulier doit enseigner en particulier selon son pouuoir: mais en public nul ne le doit faire sans vocation. Leurs Pasteurs auoient vocation d'autres Pasteurs, aussi bien que les nostres. De leurs premiers Pasteurs aussi bien que des nostres, la pluspart ont eu vocation de ceux-la même que Seissel appelle les conducteurs des Eglises. Car en Allemagné, Suisse, Grisons, &c. sont-ce pas les Prestres mêmes dont on s'est seruy pour reformer les Eglises? Qui prouuera que les Vaudois n'ont iamais eu de Prestres pour en faire de mêmes? Ils ne l'ont iamais fait en tant de lieux à la fois qu'ont fait les Allemans, Suisses, &c. Mais tel Prestre peut en tel & tel lieu auoir prêché plus purement que les autres, & auoir donné vocation à quelcun de ceux que les Vaudois appelloient Barbes, & depuis cela peut auoir continué. Nous ne pouuons pas bien verifier

tout ce qui pourroit seruir pour leur iustification en ce point. Mais aussi n'en est-il nul besoin, le principal est qu'il appert 1. que ceux qui blasment leur doctrine, ont tort. 2. que les Vaudois à bon droit blasmoient la doctrine du Pape. 3. que ceux qui blasment les Pasteurs des Vaudois ou les nostres, ne sçauroient verifiser qu'ils manquent de vocation legitime.

f. 55. 15 *Il me semble que ceux ont trauaillé peu vtilement, qui escriuans contre ceste secte, se sont principalement occupez à l'entour des difficultez du sacrement de l'Eucharistie, & pour les desuelopper en ont parlé si aigument, si subtilement, afin que ie ne die si confusement, que ie puis à bon droit doubter s'ils entendent pour tout cest affaire. Ie ne vueil pas dire pourtant, que pour ne le comprendre pas, comme ie le confesse ingenuement, ie croye que cela surpasse la capacité des autres. Mais parce que l'affaire m'a semblé tousiours de telle difficulté, que les plus habiles ont faiët profession que les forces de l'entendement humain doiuent estre surmontees par la foy.*

De vray pour croire que la chair & le sang de nostre Seigneur est la nourriture de nos ames, il faut que la foy nous esleue par dessus la portee naturelle de nos en-



tendemens. Mais il n'est point pour cela  
 besoin de s'embarasser dans les labyrin-  
 thes inextricables de la Transubstantia-  
 tion. En cela les Vaudois & nous ad-  
 vouons & louons l'ingenuë confession  
 de Seiffel.

16 *Exiger trop auarement de l'argent pour la* f.60.  
*sepulture, nous le detestons, & les sacrés canons*  
*le defendent aussi.*

Ils defendent de rien exiger, & on exi-  
 ge tous les iours encore.

17. *Comme les enchantemens qui se font par* f.63.  
*l'innuocation du Diable, operent seulement en*  
*ceux qui y croient, ainsi en est-il à plus forte rai-*  
*son des biens faiçts de Dieu.*

C'est ainsi que Seiffel appelle les indul-  
 gences Pontificales, dont à la verité l'im-  
 posture n'a point de vertu qu'à l'endroit  
 de ceux qui se font accroire que ce n'est  
 pas assez que nous ayons vn Dieu au ciel,  
 si nous n'en auons vn en terre, qui sous  
 vn faux titre de lieutenant general, dont  
 il n'a titre quelconque, s'attribue ce qui  
 ne conuient qu'à Dieu.

18 *Tu ne sçauois faillir en croyant ce que* f.65.  
*croit l'Eglise vniuerselle.*

Nous ne nions point ceste maxime,  
 mais seulement l'application d'icelle : car

ce que le Pape commande de croire, ce que ses courratiers enseignent touchant les indulgences, ou autres tels abus, on conclud aussi tost que c'est la croyance de l'Eglise vniuerselle. Mais ce que le Pape dogmatise de ses indulgences, comment feroit-ce la croyance de l'Eglise vniuerselle, veu que durant les six premiers siècles il ne paroist point qu'une seule Eglise l'ait creu, veu qu'aujourd'hui, voire dès le temps de Seiffel, il y auoit plus de 10000. Eglises qui ne le croyoient point? assauoir outre celles des Vaudois, toutes celles de la Grece, de l'Asie & de l'Afrique.

f. 75.

19 *Il y en a plusieurs qui aduertissent le peuple que les images ne contiennent aucune religion ny sacrement, c. d. ni saincteté, horsmis la memoire de Christ & des sainctes, & que tout l'honneur & seruice doit estre rapporté aux choses, non pas aux images. Et nul ne se doit estonner de ce qu'en ces mesmes images, N V M E N, la diuinité de Christ ou de quelque sainct se monstre diuersement, selon la diuersité des merites & affections de ceux qui les seruent, ou que Dieu y monstre diuersement sa gloire: tellement que les vœux faictz à ceste statue de la Vierge souuent impetrent vne plus grande propitiation, que les faisans à vn autre, ou en vn*

lieu plus qu'en un autre, veu qu'il se prouue que cela souuent est arriué tant au vieil qu'au nouveau Testament.

De vray plusieurs bons Predicateurs ont en tout temps aduertiy le peuple, que les images n'estoient mises aux temples que pour seruir de ressouuenance, non pour estre venerées, adorees, ny seruies en sorte quelconque. Les plus idolatres mesme quelquesfois l'ont aduoué, comme sous la gehenne de la verité, mais à la charge des'en desdire bien tost, comme fait icy Seissel, que les saincts monstrent leur diuinité lors qu'à l'vne de leurs images sont adressés les vœux, plustost que quand ils sont adressez à vne autre: monstrant par là qu'il faut adresser ses vœux non seulement aux saincts, mais aux images des saincts, à vne telle, plustost qu'à vne telle. De faiët, Thomas d'Aquin maintient qu'il est maintenant loisible de dresser des images de Christ & des saincts, & de les adorer, bien que cela ne fust pas loisible sous l'ancien Testament, 3.q.25.3.1<sup>m</sup>. 3.d.9. q.1.ar.2.q.2.1<sup>m</sup>. que l'image de Christ, comme representante Christ, & l'ayant touchee, ayant esté arrosée du sang de Christ, doit estre adoree & adoration de latrie avec Christ: mais que l'i-

mage de sa croix en vne autre matiere doit estre adoree de latrie , seulement comme image de Christ. 22. quaest. 103. 4. 3<sup>m</sup>. 3. q. 25. 4. 0.

Selon Scifel de ces images , telle doit estre adoree plus que l'autre. Or bien est vray que Dieu a faiçt plus de miracles en vn lieu qu'en vn autre : mais il n'a iamais faiçt miracle par aucune image, ny requis qu'on honorast aucune sorte d'image faiçte de main, comme aussi Thomas d'Aquin vient de l'aduouër.

f. 75. 20. *La loy de Dieu defendoit aux Iuifs l'usage des statues par mesme raison les chrestiens ont estimé cela leur estre defendu, tandis qu'ils ont conuersé entre les adorateurs des idoles.*

Or est il que cela a duré pour le moins iusqu'à la mort de Iulian l'Apostat, l'an de N. S. 365. Au moins donc iusques la les Chrestiens pour la plus part tenoient illicite mesmes l'usage des statues. Quant à la veneration des images, tous les Prophetes, Apostres, Martyrs, & bons docteurs l'ont constamment condamnee iusqu'à l'an de N. S. 600. & par delà. Depuis vous n'avez point eu de Prophetes pour vous rendre licite ce qui auoit esté illicite, 4360. voire 4600. ans durant.

f. 77. 21 *Nous approuuons leur opinion touchant*

le serment, iusques là qu'on se contienne de tout serment volontaire, & qu'on souffre plustost perte que d'estre pressez à iurer en iugement. Cest ce qu'ils demandoient. Car Seiffel mesmes dit, f. 9. qu'estàs contrainctés c. d. obligez par le commandement du Magistrat ils iuroient. Que si d'aventure ils ont en ceste part excédé, souuenons nous que quelques Peres ont affirmé le mesme, notamment S. Ambroise, & S. Chrystome, desquels la memoire ne laisse pas de no<sup>r</sup> estre precieuse, afin que ie ne die rien de Tertullian, qui a bien eu plusieurs erreurs, mais les anciens qui ont fait catalogue des herésies, n'ot point mis ce point entre les erreurs de Tertullian.

22 Pierre mesme depuis qu'il eust receu le f. 84. b S. Esprit mentoit apertement, & feignoit qu'il s'abstenoit de la conuersation des Gentils, dont à bon droit il a esté repris par Paul. De la les Vaudois recueilloient, qu'à plus forte raison peut se tromper, & tromper les autres celui qui se dit estre le special successeur de S. Pierre, sans en produire cependant titre quelconque. Mais Seiffel recueille tres mal à propos de cest exemple de S. Pierre, qu'il nous soit permis de mentir, & vser de simulation.

f. 38. 23 *Es autres passages de l'Escriture, ces miserables gens ne font point profession d'auoir aucune science, & ne debattent point avec nous, mais suiuent la foy de l'Eglise. Appert de là que quand Seissel dit f. 87. Ie ne doute pas qu'ils n'ayent plusieurs autres erreurs; qu'il le dit pour contenter ceux qui les chargeoyent avec plus d'animosité, puis que Seissel lui mesme nous aduoüe que horsmis les points dont il les accuse, ils suiuoient la foy de l'Eglise.*

f. 38. 24 *Ils disent qu'ils veulent vaincre par simplicité de foy, pureté de conscience, & integrité de vie, non par arguties philosophiques ou subtilitez theologiques. Ils le disoyent & le pratiquoyent ainsi. Que pleust à Dieu que tous voulussent ainsi parler, & sur tout ainsi viure.*

---

## CHAP. VI.

*Ce qu'on imposoit aux Vaudois.*

f. 38. I *A* peine sçauent ils distinguer par raison s'ils sont bestes ou hommes, morts ou viuans, la lie, la racaille des hommes. C'est ainsi qu'on qualifioit les Apostres.

Ceste sorte d'hommes est lasche, bestiale, f. 6. inepte pour la dispute. Commēt cela seroit-il vrai, veu que Scissel lui mesme dit d'eux, f. 7. & 15. Ils apportent contre nous des sentences de nos docteurs, ausquels ils ne croyent point. S. Paul lui mesme ne confond il pas les Atheniens & Cretains par sentences prises de leurs propres Poëtes?

2 Ils persuadent des choses que les hommes f. 7. d'abiecte & sordide condition appetent d'eux mesmes, comme de garder & accroistre le sien par tous moyens, & n'en faire point part aux autres, viure à leur fantaisie, ne s'adstreindre à aucune loy. Pendant que les autres affligent leurs corps par ieusnes, ceux cy gourmandent le plus. Que cela soit calomnieux, appert par ce que Scissel mesme dit, f. 3. Hors mis ce qu'ils mettent en auāt contre nostre croyance & religion, au reste ils meinent pour la plus part vne vie plus pure que les autres Chrestiens. Ils ne iurent point, sinon estans contraints, c. d. lors que le Magistrat le leur commande, & rarement prennent en vain le nom de Dieu; ils accomplissent leurs promesses de bonne foy, & la pluspart viuans en pauvreté, protestent qu'eux seuls en cela gardent la vie & la doctrine des Apostres.

Ce mot SEVLS est de Scissel, & non pas

d'eux, ou se doit entendre avec restriction, en comparant leurs troupeaux avec ceux qui les blasmoient, comme la suite le montre : *Et pourtant ils affirment que la puissance de l'Eglise reside par deuers eux, comme vrais & innocens disciples de Christ, pour la foy & religion duquel ils vivent en pauvreté.* Les persecuteurs disoient; Nous sommes l'Eglise. Les Vaudois disoient; Ce titre conuient mieux à nos Eglises qu'aux vostres; à nos Pasteurs qu'aux vostres.

f. 32. 3 - *Leurs Barbes ne veulent rien faire, mais engourdis d'oisiueté, adonnez à parcasse, vivent des labours d'autruy, comme estans ministres de l'Euangile.*

Combien plus iustement pourroit-on dire cela des Mendians? Estre ministre de l'Euangile ce n'est pas ne rien faire. S. Paul nous apprend que celuy qui sert à l'autel doit viure de l'autel.

f. 36. 4 *S'ils se glorifient de la succession des Apostres, qu'ils monstrent par quel ordre.*

La chose mesme parle. Les mauuais Pasteurs ont succédé aux bons, comme la nuit au iour: les bons ont succédé aux mauuais, comme le iour à la nuit. Tout Pasteur duquel ny la vocation, ny la doctrine



Êtrine n'a rien de contraire à celle que les Apostres nous ont prescrite, est successeur des Apostres. Veut-on prouuer que les Pasteurs des Vaudois ou les nostres ne sont point successeurs des Apostres? faut le verifier par l'vne de ces deux.

Lætus preuost du pretoire ayant tué l'Empereur Commodus, donna l'Empire à Pertinax, & le fit aduouer au Senat, aux soldats, & au peuple. Depuis les soldats ayans tué Pertinax, vendirent à Didius Iulianus l'Empire à beaux deniers contens. Si ce Iulian reprochoit à Pertinax le défaut de sa vocation, il auroit aussi bonne grace que les Euesques & Prestres d'aujourd'hui, lors qu'ils reprochent aux Pasteurs des Vaudois & aux nostres les défauts qu'ils pretendent estre en nostre vocation.

5 *Leurs Barbes presumeront-ils qu'ils soient f. 39.*  
*sans peché, ou qu'ils soient fournis des vertus*  
*que S. Paul requiert à Timothee & à Tite? Et*  
*qui est sans peche? &c. S. Paul ne requiert*  
*pas que le Pasteur soit sans peché, mais*  
*sans crime, ἀνεγκλητός. Les Vaudois pa-*  
*reillement ne requeroient pas que leurs*  
*Pasteurs fussent sans peché, ne se van-*  
*toient pas que leurs Pasteurs fussent sans*

peché : appert par Seiffel mesme disant, f. 39. *Nul n'est net de toute souillure. Les Vaudois mesmes ne se l'attribuent pas, sçachâs que l'Apostre les dementiroit, s'ils le disoient.* Icy donc Seiffel les calōnie, & cepēdant nous tournit de quoi recueillir leur intētion, ass. qu'à bon droict ils reiettoient les Pasteurs de l'Eglise Rom. puis qu'en leur vocation & en l'administration de leur charge, ils failloiet & violoiēt en tant de sortes les commandemens de Dieu, qu'eux en la vocation de leurs Pasteurs auoient au plus pres qu'il leur estoit possible suiuy la regle que S. Paul nous prescrit, 1. Tim. 3. & Tite 1.

f.44. 6 *Toute la noblesse, toutes les escholes des Theologiens & Iuriconsultes, tout ce qu'il y a en tout le monde Chrestien qui peut auoir nom de peuple ou de compagnie receuable, condamnent tous ceste heresie. &c. Comment cela seroit-il vray, veu que Seiffel maesme dit, f. 8. que iamais ils n'ont eu faute de receleurs & fauteurs, mesme d'entre les Princes? Ceux qui les condamnoient plus asprement, c'estoient ceux qui sçauoyent le moins leur doctrine & leur croyance, ou qui estoient preoccupes par leur interest & par la douceur de leurs gras benefices, & par la licence que leur donnoit leur au-*

autorité.

7 *Ils font profession qu'eux seuls gardent la f.46.  
doctrine de l'Euangile & des Apostres.*

Non, mais bien qu'ils ne se sont point choisi des nouveaux Pasteurs, sinon afin que la doctrine de l'Euāgile leur fust plus purement annoncée qu'elle n'estoit par l'ordinaire des Prestres.

8 *Leurs Barbes se cachent; & n'osent ouver-* f.46.  
*tement faire profession de leur foy, non pas mes-*  
*mes estans adiurés. Comment cela seroit-il*  
vray, veu que Seissel mesme dit, f. 9. *Ils*  
*tiennent honeste & glorieux de souffrir de nous*  
*persecution.* Et toutes cachettes sont-elles honteuses? Abdias seul ne tenoit-il pas cent Prophetes en cachette? Mais, comme maintenant, si quelqu'un nous demāde, es-tu Huguenot, Calviniste, Lutherien, & que nous respondions que non; on dira que nous sommes menteurs, ainsi Seissel ayant demandé à quelqu'un, es-tu Vaudois, respondant que non, Seissel a conclu qu'il mentoit, qu'il desguisoit. Ce qui n'est pas pourtant. Car en effect ces mots de Vaudois, Lutheriēs, Calvinistes, &c. sont mots iniurieux, que nous n'aduouons que par concession, & que iustement nous pouuons desaduouier sans des-

guisement de la verité. Nostre vraye profession c'est d'estre Chrestiens. Dauantage, quand les Payens demandoient aux Chrestiens, où sont, qui sont tes compagnons, les Chrestiens ne les disoyent pas, ils aimoyent mieux mentir, en disant, ie ne sçai, ou chose semblable, que de trahir leurs freres, non comme tenans licites les mensonges officieux, mais comme croyans que la trahison est beaucoup pire. C'est ainsi qu'en ont fait ceux qu'on a nommé Vaudois, Lutheriens, Huguenots. C'est sur quoy se fonde Seiffel pour les accuser de mensonge disant, f. 48. *Or sus, ils gardent la foy en leurs promesses, ils ne iurent point, ils ne mentent point, ils gardent la charité avec leurs prochains, ils n'offensent personne, & exhortent les autres à viure en la crainte de Dieu, & se garder des choses defendues. Que cela soit, (encore que comme nous venons de monstrier) ils mentent & iurent és choses où il faudroit principalement garder la verité.* Ce que Seiffel pretend auoir es-prouué, auoir prouué, c'est qu'estans enquis de leur croyance, ou de leurs compagnons, ils ne respondoyent pas tousiours categoriquement. Or peut il bien estre qu'en cela quelques vns ont excédé:

Mais remarquons, 1. que Seiffel luy mesme ne dit pas qu'il en ait interrogué plusieurs, & quant aux rapports qu'on luy a faits, nous auons iuste suiet de les tenir pour suspects. 2. Il n'est pas de nos differēs avec le Pape, comme des differens du Chrestien avec le Iuif, Mahometan, ou Payen. Si quelque Chrestien intimidé par vn Iuif, par vn Mahometan, ou par vn Payen, desguise sa qualité de Chrestien, s'il la nie tout à fait, ou s'il en parle douteusement, ambiguëment, sa faute ne peut qu'elle ne soit bien grande. C'est auoir honte de Iesus Christ formellement. Mais le Pape se disant Chrestié aussi bien que moy, si ie n'ose pas luy dire formellement à sa face, ou à la face de ses Inquisiteurs, que ie le tien pour Antechrist; (c'est ce qu'on appelle estre Vaudois, Huguenots, Lutheriens) ie fai bien vne faute, mais non pas telle que S. Pierre disant de Iesus Christ, *Ie ne le cognoi point*. Car pour croire, pour dire que le Pape soit l'Antechrist, ie n'ay pas la mesme obligation, en mesme degré que pour maintenir & croire que Iesus est le Christ. 3. En tout cas il sied mal au persecuteur de reprocher à ceux qui souffrent persecution

qu'ils ne font pas tous si constans qu'ils deuroyent. Mais ce que Seiffel accorde d'honorable pour les Vaudois, il ne l'accorderoit pas, si la plus part d'entre eux n'auoyent eu ceste reputation constante, mesme parla cōfession de leurs ennemis. Ceci seruira de responce aux reproches semblables que Seiffel fait aux Vaudois disant, au f. 87. *Si tu trouues dangereux l'usage du mensonge, abstien toy de tout mensonge, mais principalement de celuy auquel tu erres pernicieusement, asç. quand estant interrogué de ta foy & religion, en quoy tu mens si obstinément, que tu crois vn crime irremissible de descouurer ta secte & ses asserteurs.* Cest ET se prend icy pour vn cest à dire. sous ombre, di je, qu'ils ne vouloient pas descouurer leurs compagnons, on concludoit qu'ils ne vouloyent pas aussi descouurer leur croyance. Souuenons nous aussi que N. S. estant interrogué touchant sa doctrine par les Sacrificateurs, souuent il ne leur respondoit pas comme ils vouloyent les renuoyant à ceux qui l'auoyent ouy tant de fois. Les Vaudois aussi souuent en compagnie declaroyent & maintenoient leur croyance par passages de l'Écriture, quelques fois mesmes par pas-

sages pris des docteurs de l'Eglise Romaine, comme Seiffel le nous apprend, f. 7. & 15. Quel besoin donc estoit-il qu'ils allassent deduire ces choses par le menu deuant les Inquisiteurs qui ne les interroguoyent que pour les enlacer & les condamner à mort?

---

## CHAP. VII.

### ARTICLES ATTRIBVEZ AUX VAUDOIS PAR *Claude Coussard.*

**M**onsieur au liure que vous escriuez contre les Vaudois avec priuilege du Roy datté du 27. Feburier, 1547. vous commencez ainsi : *Je m'estoie premierement proposé de proposer nuement les heresies des Vaudois ramassees en vn comme elles ont esté condamnées par le concile Romain & par le Frere Raynier iadis inquisiteur de la foy, y a ia deux cens nonante six ans.* Le concile Romain, dont vous parlez fut tenu l'an 1215. trois cens trente deux ans auant que vous fissiez publier vostre escrit contre eux. Donc les deux cens nonan-

te six ans dont vous parlez doiuent estre commencés par le temps auquel Reyner escriuoit cõtre eux. Et de fait Reyner escriuoit quelque deux cens nonãte six ans deuant vous, cest a dire, enuiron l'an de nostre Seigneur 1251.

f. 41. 1 *Le premier erreur des Vaudois, dites vous, est le mespris de la puissance ecclesiastique.*

Sur quoi vous maintenez que la vie mauuaise de nos Prelats ne nous exempte du respect que nous leur deuons, ce qui est vray. Mais leur fausse doctrine nous oblige à nous donner de garde de leur leuain.

f. 42. 2 *Les Vaudois maintiennent 1. qu'ils sont seuls l'Eglise de Christ, & ses disciples, 2. qu'ils ont l'auctorité apostolique avec la clef pour lier & deslier. 3. que l'Eglise Romaine est la paillardie, Babylone. 4. que tous ceux qui luy obeissent fussent-ils du clergé depuis le temps de Syluestre sont tous damnez.*

Cest article contenant quatre points, le premier est tiré des trois autres par vne consequence calomnieuse. Le dernier pareillement est en partie calomnieux. C'est la faction du Pape qui pretend estre seule l'Eglise, qui maintient que ceux qui sont hors d'elle sont damnez, qu'elle seule a les clefs. Les Vaudois maintenoyēt au con-



traire que ceste faction estant la Babylo-  
ne predite par S. Iean, S. Iean nous obli-  
ge d'en sortir, Apoc. 18.4. Or S. Iean ayât  
dir, Apoc. 20. que Satan deuoit estre lié  
mille ans, il est vray semblable que ce Syl-  
uestre, dont parlēt les Vaudois, c'est le se-  
cond venu au Papat enuiron mille ans a-  
pres la naissance de N. S. Pendant son Pa-  
pat, estoit Empereur en Orient Cōstantin  
X. De là quelques Vaudois peu versez en  
l'histoire, ou quelques vns de leurs aduer-  
saires desguisans expressement l'intention  
des premiers autheurs de ceste observa-  
tion l'ont peu rapporter à Constant I. &  
Syluestre I. cōme nous le voyons en Scis-  
scl. *Quelques vns, dit-il. t. 5. d'entre les defeseurs  
de ceste heresie pour la flater & gagner sa bonne  
grace enuers le vulgaire ignorāt des histoires, di-  
sent que ceste secte prit son commencement d'un  
certain Leon homme tres-religieux, du temps  
de Constantin le grand, disans, que ce Leon ayant  
detesté l'auarice de Syluestre & l'excessiue lar-  
gesse de Constantin, ayma mieux suivre la pau-  
ureté en la simplicité de foy, que d'estre avec Syl-  
uestre souillé d'un gras & riche benefice, au-  
quel se seroyent adioincts tous ceux qui sen-  
toyent bien de la foy. Cela voirement est  
absurd. Mais qui lçait si sous Constantin*

X. quelqu'un nommé Leon sçachant que Sylvestre II. s'estoit donné au Diable pour obtenir le Papat, comme le recite le Cardinal Benon, auroit point de là pris suiet aussi bien que Benon de rapporter à cela le deschainement de Satan au bout des mille ans dont parle S. Iean, Apoc. 20. concluãt de là que Rome donc estoit desia ceste grande paillarde, ceste tyrannique Babylone, dont S. Iean nous commande de sortir? Pour le moins auons nous monstré cy dessus au chap. 2. comme dès l'entree sinon de l'onzième, au moins du douzième siecle, il y auoit en France des Eglises dressées, separees de la Romaine à cause des erreurs qu'elles condamnoyent en elle.

f. 44. 3 *Ils disent que les miracles qui se font en l'Eglise ne sont point veritables, sous ombre qu'ils n'en font point.*

Ils tenoyent aussi bien que nous pour veritables tous les miracles faiçts en l'Eglise par le rapport des Prophetes & Apostres. Mais ils tenoyent aussi bien que nous pour miracles de mensonge ceux que l'Eglise Rom. met en auant en ses legendes pour la confirmation de ses abus.

f. 45. 4 *Ils disent qu'il ne faut garder aucun des*

*statuts de l'Eglise faits depuis l'ascension de Christ, disans qu'ils ne sont d'aucune valeur.*

Ils tenoyent aussi bien que nous qu'il faut garder tout ce que les Apostres nous ont cōmandé de garder; mais ils tenoient aussi bien que nous & vous mesmes tenez aussi variables les constitutions humaines. Pour exēple, les anciēns tenoiēt qu'en priāt il se faut tourner vers le Soleil leuāt, qu'il ne faut point se mettre à genouil les Dimanches, comme appert par Tertulian *de corona militis*. Vous mesmes ne gardez plus cela.

5 *Ils reiettent du tout les festes, les ieusnes des veilles des festes, les ordres, les benedictions, les offices de l'Eglise, & choses semblables.* f.47.

Ils le faisoient fondés sur ce que dit N. S. *En vain me seruent les hommes ensuiuant pour doctrines les doctrines des hommes.* Matt. 15.

6 *Ils disent que la consecration des Eglises & des cimetieres n'a esté instituee par le clergé que par auarice, pour en tirer gain.* f.48.

Veü que les Prestres maintiennent que les fideles ne doiuent estre mis en terre si non dans des cimetieres consacrés par eux, qu'ils n'y doiuent estre mis que par leur permission, qu'ils ne donnent point

ceste permission sans argēt, veu que de ces choses vous n'en aués aucune trace ni en l'Escriture, ny en l'Eglise primitiue, qui peut nier que ceste nouueauté n'ait la superstition & l'auarice pour mere.

f. 50. 7 *Ils disent que l'homme est vrayement baptizé quand il est introduict en leur secte; quelques vns aussi d'entre eux disent que le baptesme ne sert point aux petits, puis qu'ils ne peuvent croire aétuellement.*

Si quelques vns d'entre eux l'ont dit, ils se sont mespris. Mais puis que vous mesmes n'attribués cela qu'à quelques vns, s'ensuit que la plus part d'entre eux n'ont point eu de part à ce dernier point. Quāt au premier, leur intention estoit que renoncer aux abus de la Papauté ce n'est pas renoncer à son baptesme, mais plustost satisfaire à ce que le baptesme requiert de nous.

f. 51. 8 *Ils reiertent le sacrement de confirmation, mais au lieu de ce sacrement leurs maîtres imposent les mains aux disciples.*

Ce qu'ils en faisoient c'est à l'exemple des Apostres lequel vous allegués vous mesmes du 8. des Actes. Mais d'autant que de cela les Apostres ny N. S. n'en ont fait aucun commandement, c'est pour-

quoy les Vaudois n'en tenoient pas l'observation necessaire, ny du nombre des Sacremens mesmement avec les ceremonies que vous y faites, qui sont de trop fraiche datte pour estre des Apostres.

9 *Ils disent que les Euesques, Clercs & religieux de l'Eglise sont Scribes, Pharisiens, persecuteurs des Apostres.* Puis qu'ils ne preschoient, autre doctrine que celle des Apostres les persecuter, n'est-ce pas persecuter les Apostres, voire Christ luy mesme? Et les Euesques Abbez, & autres telles personnes estans les principaux auteurs de ceste persecution, ceux qui la souffroient, en quel rang pouuoient ils tenir ces boutefeux?

f. 52.

10 *Ils disent que le corps & le sang de Christ n'est pas un vray Sacrement, mais du pain benit, qui est appelle le corps de Christ par une certaine figure, comme il est dict que la pierre estoit Christ.*

f. 52.

Vous comprenez mal leur intention. Ils disoient que ces mots *cecy est mon corps* emportent autant que si N. S. eust dict *ce pain est mon corps*, comme appert par la paraphrase qu'en dōne saint Paul I. Cor. 10. 16. *Le pain que nous rompons*

*n'est-ce pas la communion du corps de Christ?*  
 Or veu que vous & nous cōfessons que la S. Cene est le Sacrement du corps & du sang de N. S. sans doute ils n'ont point dict que ce n'est pas vn vray Sacrement. Au contraire vous trouuez mauuais que nous disions avec eux que ces mots *ce pain est mon corps*, signifient; *ce pain est le Sacrement de mon corps*, comme ces mots *la Pierre estoit Christ*, signifient la pierre estoit vn Sacrement ou Sacree figure de Christ. Ainsi ces mots *ceste coupe est le nouveau Testament en mon sang*, signifient ceste coupe est le Sacrement du nouveau Testament en mon sang, & quelque pierre que vous remuyez vous ne trouuez point d'interpretation plus conuenable.

f. 58.

II *Quelques vns d'entre eux disent que les bons, d'autres que tous ceux qui suivent les paroles de la consecration la font.*

Par ce qu'ils ne vouloient pas receuoir la S. Cene de la main des Prestres; comme polluens plustost que consacrans ce sacré mystere: de là quelques vns de leurs accusateurs recueillent que les Vaudois pretendoient faire depēdre l'efficace des Sacremens de la sainteté du consacrant,

ce qui n'est point. Mais qui est celuy qui n'aymera mieux les receuoit de la main d'un Pasteur orthodoxe, saint & homme de bien que de la main d'un idolatre, d'un simoniaque, d'un concubinaire?

12 *Ils disent que le Prestre estant pecheur ne peut soudre, ny lier estant luy mesme lié de peché & que qui que ce soit d'entre les bons & sçavans laiques peut soudre un autre & luy enjoindre penitence.*

Le Prestre estant pecheur luy mesme ne peut soudre ny lier de la façon qu'il pretend, qui ne cōvient qu'à Dieu disant *Etaye 40. C'est moy, c'est moy qui efface les pechés pour l'amour de moy mesme.* Mais bien le Pasteur peut & doit annoncer la remission des pechez au pecheur pœnitent, ce que tel laique fera plus pertinemment, plus efficaciously pour la cōsolation du pecheur que tel Pasteur. Neantmoins le Pasteur le fait avec commission & autorité publique, comme messager & ambassade de Dieu *1. Cor. 5.* mais les laics ne le font qu'en vertu de la Communion des saints & de l'obligation generale que tous fideles ont d'exercer charité, consoler, & soulager leurs freres selon leur pouvoir, & annoncer les vertus de

*celuy qui nous a appellez des tenebres à sa merueilleuse lumiere* 1. *Pier.* 2. 9.

f. 60. 13 *Ils reiettent l'extreme Onction disans que c'est plustost malediction qu'un Sacrement.*

Leur intention est euidente. Veu qu'ils tenoiēt les Prestres pour idolatres, heretiques & sacrileges en plusieurs sortes, les eussent-ils appellés pour receuoir de leur main ce qu'ils appelle l'extreme Onctiō? Ne seroit-ce pas attirer sur loy malediction plustost que benediction? Quant à l'Onction dont parle saint Jacques c. 5. elle estoit toute autre que la vostre. Elle estoit miraculeuse, elle se faisoit avec prieres en l'agage entēdu avec vne simplicité digne des Apostres. La vostre vous memes l'appellez Extreme par ce qu'elle ne guarit personne, vous y parlez en l'agage non entendu & y faites force singeries d'inuētiō moderne, fort indignes des Apostres.

14 *Ils disent que le mariage est vne paillardise iurée, si on ne vit continement, & que toutes autres souillures sont plus permises que la couple coniugale.*

Vous meisme dementez vostre calomnie cy-dessous en l'article XV. & 32. Mais voici quel en peut estre le fondemēt, c'est que tel cuide qu'il peut vser de la femme



en telle sorte de pollutiō infame que bon luy semble. Ils peuuent auoir dict que c'est double faute de souiller en ceste sorte la couple coniugale, qui deust estre la couche sans macule.

15 *Ils loient la continence, mais la luxure les bruslant ils accordent qu'on y doit satisfaire par toute sorte de saleté, exposans ce que dit S. Paul il vaut mieux se marier que de brusler, en ceste sorte, qu'il vaut mieux satisfaire à la luxure par quelque acte que ce soit, pour sale qu'il soit que d'estre tenté au cœur. Mais ils tiennent cela fort secret, de peur qu'ils ne se rendent contemptibles.* f. 68:

Il ny a point de gens plus propres à forger telles calomnies que ceux qui cōmettent ces turpitudes, qui mesurent volontiers les autres à leur aulne. Vostre calōnie se dement elle mesme, & parce que vous dites en l'article 32. Sur tout Seissel vous dement, *Ils gardent, dit-il f. 48. la loy Chrestienne mieux que la pluspart d'entre nous & f. 9. Hors mis ces choses qu'ils prennent contre nostre foy & religion, és autres choses ils mēnent la pluspart vne vie plus pure que les autres Chrestiens. Ils ne iurent point qu'estans contraincts. c. d. cōmandez & raremēt prennent en vain le nom de Dieu. Ils gardent leurs pro-*

messes de bonne foy, & vivent en grande pauvreté. &c.

f. 63. 16 Ils disent que tout serment est defendu, & pourtant peché mortel, mais ils dispensent de iurer pour eviter la mort corporelle, & de peur de trahir les autres & revealer leur secret. Ils disent que trahir un heretique cest un crime inexpiable & un peché contre le S. Esprit.

Vos Docteurs, & vos Heures prennent quelquesfois le peché contre le S. Esprit si generalement qu'ils en font de sept sortes, dont la trahison est l'vne. Qui est le Chrestien qui n'ait tenu pour execrables, ceux qui trahissoient leurs freres aux Payens? Et vos inquisiteurs sont ils moins cruels que les Payens? Pourquoi donc n'eussent eu les Vaudois en detestation ceux qui vendoient leurs freres, & les liuroient entre les mains de vos bourreaux? Quant à l'usage du serment, les Vaudois le tenoient illicite, s'ils n'en avoient commandement par celuy qui a droit de l'exiger, & s'il n'est fait de par le Dieu vivant & vray, non par aucune creature, comme vous faites souvent.

f. 65. 17 Ils disent qu'il n'est loisible de tuer les mal-faiçteurs par le iugement seculier.

Pour les iustifier contre ceste calom-

nie Scissel me suffira disant f. 87. Ce qu'ils disent que tout homicide est peché mortel n'appartient pas tant à la foy & ils ne l'estendent pas tant qu'on ne puisse l'excuser.

f. 65.

18 Ils disent qu'il n'y a point de purgatoire, mais que tous les morts passent incontinent au ciel ou en enfer. Pourtant que les suffrages qu'on fait en l'Eglise pour les deffuncts ne seruent de rien, d'autant qu'au ciel on n'en a point de besoin, & ceux qui sont en enfer n'en peuuent estre aidés. Pourtant ils disent que les oblations qu'on fait pour les morts, seruent aux vians, mais non aux ames, qui ne s'en seruent.

Le gain que vous auez faict de ce trafic est tel que par ce moyen vous auez attiré vos plus gras benefices. Mais par quel Prophete, Apostre ny Docteur des quarante quatre premiers siecles de l'Eglise prouerez vous qu'aucun ait esté tiré de purgatoire par les suffrages des suruiuans?

19 Ils disent que les sainctes qui sont au ciel f. 70 n'oient point les oraisons des fideles ny les venerations par lesquelles nous les venerons, parce que leurs corps sont icy gisans en la mort, & que leurs esprits sont tellement esloignez de nous qu'ils ne peuuent nous ouir ny nous voir. Ils disent que les sainctes ne prient point pour nous & pourtant qu'il ne faut point implorer leur se-

*cours, d'autant qu'estans engloutis de ioye celeste ils ne peuuent vaquer à nous ny en auoir soing, & pourtant ils se moquent de toutes les solennitez dont nous les honorons.*

Vous dissimulez leurs plus forts argumens, aſç. Que nous ne dedions aux saincts festes, solennitez, prieres, ny temples. 1. d'autant que Dieu ne nous en a donné commandement, ny exemple quelconque. 2. qu'il ne paroist point que l'Eglise l'ait iamais faiçt quatre mil quatre cens ans durant. 3. d'autant que ce sont honneurs diuins, qui n'appartiennent qu'à Dieu 4. d'autant que c'est presupposer qu'ils sont infinis pour ouir tout, pour voir tout, pour sonder les cœurs, ce que l'Eſcriture n'attribuë qu'à Dieu. 5. parce que Salomon Ecclesiaste 9. dit que *les morts ne cognoissent plus rien, aſç. en detail & par le menu de ce qui se fait sous le Ciel.* 6. parce que les fideles disent, Esaye 63. *Abraham ne nous a point cogneus. Israel ne nous a point ſceu.* 7. parce que S. Paul condamne le seruire des Anges Colof. 2. 18. qui sont toutesfois campez à l'entour des fideles Pl. 34. Combien moins auons nous ſuject d'adorer, venerer, inuoquer les saints, dont il n'est point diçt qu'ils soient à l'en-

tour de nous pour nous ouir & secourir?

21 *Es iours de feste ils travaillent en cachette f. 74*  
 quand ils peuuent, disans qu'ouurer c'est chose  
 bonne, & qu'il ny a point de mal d'ouurer es  
 iours de feste.

Ils celebrent le Dimanche plus religieuxmēt que vous, mais par la multitude de vos festes dediees pour la pluspart aux creatures, vous auez aneanti le commandement de Dieu disant, *Six iours tu travailleras*, & auez fait contre la pratique de l'Eglise par 4300. ans & plus, qui durant ce temps n'a iamais consacré de feste à l'honneur d'aucune creature,

21 *Ils ne ieusnēt point le Carefme, ny les ieusnes f. 75.*  
 de l'Eglise, mais mangent de la chair quand ils  
 osent disās, que Dieu ne prēd point plaisir en l'affliction de ses amis, pouuant les sauuer sans cela.

La raison que vous leur attribuez est calomnieuse. Bien peuuent ils auoir representé ce que dit Ioel, *Rompez vos cœurs & non vos robbes*. Mais leur principale raison est en ce que le ieusne consiste principalement en l'abstinence des viandes & des vices, & non pas à defendre le tiers de l'an le tiers des biens que Dieu a créés pour l'usage des fideles. C'est ce que S.

Paul appelle doctrine des Diables, 1. Tim. 4. 1.

. 78. 22 *Ils ne reçoivent point l'ancien Testament & ne l'ont point, mais seulement les Euangiles afin qu'ils ne soient impugnés par le vieil Testament & se defendent disans, que l'Euangile suruenant il faut reietter toutes les choses anciennes.*

Pour dementir vostre calomnie ne faut que Scissiel disant f. 4. *Ils reçoivent seulement ce qui est escrit au vieil & nouveau testament.* Et de fait au discours qu'il represente des Vaudois au f. 11. 12. &c. il les introduit allegans aussi souuent le vieil que le nouveau Testament.

f. 79. 23 *Ils enseignent à leurs complices les paroles de l'Euangile, des Apostres & autres Saints en langue vulgaire, pour former leurs cœurs, informer les autres, allecher les fideles & orner leur secte de belles paroles des Saints, afin qu'on croye salutaire ce qu'ils persuadent.*

Cest ce que Dieu commande, Deut. VI. 6. 7. XXXI. 11. Iosué I. 8. Romains XV. 4. 1. Tim. IV. 13. & 2. Tim. III. 14. Ican V. 29. Ps. I. 2. Mais n'avez vous point horreur de louer l'ordonnance que l'inquisition Espagnole a fait faire au Roy Ferdinãd & Elisabeth sa femme, a sc̄. qu'aucun n'ait

à traduire en lāgue vulgaire les saintes lettres ou les tenir traduites en quelque sorte que ce soit par un autre. Ce Roy fit ceste loy par ignorance, mais ceux qui luy ont donné ce conseil ou le peuuēt ils auoir pris qu'en la gueule du dragon? Qui iamais ouit parler d'une telle loy durant les cinquante premiers siecles de l'Eglise? Ains combien de fois les Peres aussi bien que les Apostres & Prophetes recommandent ils à tous la lecture de l'Escriture?

24 *Non seulement les hommes, mais aussi f. 83. les femmes enseignent entre eux, par ce que les femmes ont plus d'accès aux femmes pour les peruertir, & par elles subuertir les hommes, comme le Serpent par Eue seduisit Adam.*

Pour prouuer que leur doctrine soit subuersion, faut monstret en quoy elle diuertit les hōmes de ce que Dieu leur commande. Quant aux femmes des Vaudois, elles n'ōt iamais enseigné en public, mais bien en particulier, comme Loīs & Eunice enseignoyent Timothee, ainsi que S. Paul le luy ramentoit, 2. Tim. 1. 5. & 3. 15. Ainsi non seulement Aquila, mais aussi Priscille, seruirent à la conuersion d'Apollon. Actes 18. Pourtant l'Apostre conseille la femme fidèle de ne se point

separer de son mari bien qu'infidele, parce qu'elle ne sçait pas si Dieu se seruira d'elle pour l'amener à la cognoissance de la verité. 1. Cor. 7. Pourtant S. Chrysostome sur la 1. aux Cor. chap. 11. dit que S. Paul defend aux femmes l'authorité d'enseigner en public, mais non pas en particulier; & de cela Baronius le loüe sur l'an 58. & 55.

f. 84 25 *Ils enseignent à parler en paroles couuertes, afin qu'au lieu de la verité ils ne disent mensonge, à ce qu'estans enquis d'un ils respondent obliquement de l'autre, & qu'ils se iouent ainsi frauduleusement des auditeurs: quand ils craignent que par la confession de la verité leur erreur ne soit descouuert. Par la mesme simulation ils frequentent avec nous les Eglises, assistent au seruice, offrent à l'autel, se confessent aux Prestres, recoient les sacremens, ieusnent les ieusnes de l'Eglise, & font les festes; mesme recoient à teste baissée les benedictiōs des Prestres, bien qu'ils se mocquent de ces choses & autres telles ordonnances de l'Eglise, les iugeans estre profanes & nuisibles.*

Al n'y a point de plus grands docteurs d'equiuoques & simulatiōs que les Iesuites, mais soit qu'on les employe pour se garentir de peril par infirmité, comme

*Ne pro veritate student loqui mendacium.*



faisoyent de vray quelques vns d'entre les Vaudois, soit qu'on les employe par ruse pour mieux tramer quelque dessein pernicieux, comme les Iesuites en la fougade d'Angleterre, & tels tours de leur façon, cela ne vaut rien. Ceux d'entre les Vaudois qui ont fait ces choses sont franchement repris par les freres de Boheme en leur confession. Mais appert bien que tous n'en faisoïent pas ainsi, puis que Seissel aduoüe que les Vaudois tenoient à honneur d'estre persecutés pour iustice. *Ils estiment, dit-il, chose belle & glorieuse de souffrir de nous persecution.*

26 *Ils disent qu'il suffit à salut de se confesser à Dieu seul, & non aux hommes.* f. 87.

Ouy bien pour les choses secretes, comme les pensees & choses semblables. Dieu ny l'Eglise n'en ont iamais exigé la confession durant 4400. ans. Et lors que l'on introduisit la façon de se confesser à vn penitencier, non pour des simples pensees, ou choses semblables, mais pour adulteres, & paillardises secretes, & choses de telle nature. Nestarius Euesque de Constantinople l'abolit enuiron l'an 400. & fut suiui de la plus part des Orientaux, ainsi qu'il est rapporté par Socrate, Sozo-

mene, Cassiodore.

f. 10. 27 *Ils se moquent de ceux qui offrent des luminaires aux saints pour illuminer les Eglises.*

En cela vous faites deux fautes. 1. vous bruslez le iour. Le temple de Dieu auoit ses lāpes allumees toute la nuit, mais on les esteignoit le iour venant, comme il appert. 1. Sam. III. 3. Exode XXVII. 21. & 2. Chro. 13. 11. Secondement vous ne vous contentés pas de faire vos offrandes a Dieu, mais vous les faites aux Saints trespassés. C'est ce que l'Eglise n'a iamais fait, tandis qu'elle a esté conduite par Prophetes & Apostres.

f. 91. 28 *Sous ombre qu'ils pretendent qu'il n'y a point de purgatoire, ils concluent qu'il n'y a point d'indulgences, & que le Pape n'a puissance quelconque de les conferer, & que s'il en donne, elles sont de nulle valeur.*

De vray les indulgences Pontificales ne sont venues que depuis qu'on a persuadé que les ames de la plus part des trespassés estoient detenues en purgatoire & que les Prestres les en tiroiēt à force de chanter Messe. Le Pape lors a pretendu qu'il en pouuoit tirer plus luy seul en vn coup, que plusieurs Prestres avec toutes leurs

Messes. C'est lors qu'il s'est mis a publier ses indulgences, deſquelles publications ny l'Eſcriture, ni les canons, ni la pratique des ſix premiers ſiecles ne lui donne pouuoir quelconque. Combien moins de les vendre a beau deniers contans?

f. 96.

29. *Ils diſent qu'il n'eſt point beſoin qu'aucun ſe macere par œures ſatiſſactaires, Chriſt ayant abondamment payé pour nous.*

Tous doiuent ſelon le commandement de l'Apoſtre ſ'eſtudier a mortifier leur chair, mais pour ſ'amender, poueſtre plus retenus au mal, & enflâméz au bien & non pas pour ſatiſfaire a la juſtice de Dieu par des moyens forgés a noſtre poſte ni ayant rien qui puiſſe ſatiſfaire à la juſtice de Dieu que la mort de noſtre Sauueur; ni ayant nul ſacrifice qui puiſſe expier nos pechés que celuy qu'il a pour nous offert en la croix, cōme l'eſcriture le nous appréd. Heb 9. & 10. Ieã 1. & 1. Iean 1.

f. 99

30 *Il n'importe, diſent ils, à noſtre ſalut, que nos œures ſoient bonnes ou mauuaiſes, ſeulement croy que Chriſt eſt mort pour tes pechez, & tu ſeras ſauué, qu'elles que ſoient tes œures.*

S'ils euſſét ainſi dogmatiſé, leur vie n'auroit pas eſté ſi ſaincte, comme Seiffel luy la meſme nous repreſente.

Ils ont certes creu que les bonnes œu-  
ures sont le chemin du royaume des  
cieux, mais non pas la cause qui nous fait  
regner, comme les Apostres & bons Do-  
cteurs l'ont creu iusqu'à S. Bernard & mes-  
me depuis. Ils ont avec S. Jacques creu que  
*Iacq. 2.* *la foy sans les œuures est morte.* Mais ils ont  
dit avec saint Paul que *nous sommes iu-  
Rom. 3.* *stifiez par la foy sans les œuures de la loy.*

*f. 100.* 31 *Ils disent qu'il ne faut point faire de vœus  
& qu'en ayant fait il les faut casser.*

Ouy, s'ils sont cōtre la parole de Dieu.  
Car il est des vœus, cōme des sermēs. He-  
rode n'a pas moins failli d'accōplir que de  
faire son sermēt temeraire; les Vaudois ont  
blasmé les vœus des Moines, parce qu'ils  
n'ont point d'exemple en l'Escriture, par-  
ce qu'ils contreuient à ce que dict S.  
Paul 1. Cor. VII. *s'ils n'ont le don de con-  
tinence qu'ils se marient.* Vos Docteurs mes-  
mes aduouent que les vœus sont nuls, si  
la matiere du vœu n'est libre.

*f. 102.* 32 *Il disent que le droict de cōtraçter mariage  
ne peut estre interdit par l'auctõrité d'aucun.*

Ils veulent dire que ce que Dieu a con-  
ioint l'homme ne le separe point, & que ce que  
Dieu permet, voire commande, l'hom-  
me ne peut de droit le defendre. Or Dieu

permet, voire cōmande le mariage à ceux qui n'ont le don de continence 1. Cor. 7.

33 *Ils disent que la Messe est seulement vne cōmemoration de la Cene & non de la passion, que son canon est cousu de plusieurs haillons & meslé de choses nouvellement forgees : qu'elle n'estoit point du temps des Apostres.*

f.106.

De vray les Apostres n'ont iamais diēt qu'aucun homme ait puissance de sacrifier le Fils de Dieu, de le briser entre ses dents, d'interdire le calice au peuple, ils n'ont point dressé les cauteles de la Messe, ils n'inuoquoient Abraham, ny S. Estienne, non plus que sainte Barbe, saint Roch, ou autres tels. Puis que vos liures mesmes disent que telle piece du canon a esté adioustée par vn tel Pape, telle par vn autre, s'ensuit qu'elles n'estoient pas en vsage du temps des Apostres. Mais vostre premiere ligne represente mal la doctrine des Vaudois qui est qu'en la sainte Cene nous devons faire commemoration du sacrifice de nostre Seigneur, & non pas le reiterer, comme pretendent les Missifians.

34 *Ils disent qu'il faut destruire les images à cause de l'idolatrie & que toute veneration qui leur est rendue desplait à Dieu & à ses Saints.*

f.114.

Nous ne voyons point que les Vaudois ayēt esté saccager les Temples pour en arracher les images. Mais bien peuuent-ils auoir representé le fait d'Ezechias brisant le serpent d'airain quoy que dressé par Moysé, parce qu'on luy faisoit encens, comme vous faites à vos images. Ils peuuent auoir representé l'aduis de Gregoire I. reprenant en telle sorte Seren Euesque de Marseille pour auoir abbatu les images qu'il adiouste cependant *adorare verò omnibus modis deuita. c. d. Mais euite par tous moyens qu'elles ne soient adorées.* Et donc, si tous les autres moyens se trouuent inutilles, ou insuffisans, tu les osteras plustost de deuant les yeux du peuple, que de souffrir qu'on les adore, voire si tu as auictorité de ce faire comme auoit Ezechias. Et afin qu'on ne s'aheurte au mot d'adoration, les Vaudois à bon droict aduertissoiēt que Dieu defend toute sorte d'honneur, veneration, seruice fait a quelque sorte d'image que ce soit faicte de main d'homme, aussi bien que l'adoratiõ, là où vos Docteurs en maintiennent souuent non seulement *le cult*, le seruice, la veneration, mais mesme l'adoration, faicte non seulement deuant l'image, mais à l'i-

mage meſme; comme le Pape Gregoire II. en ſes lettres adreſſantes à l'Empereur Leon III. rapportees par Baronius l'an 726. le Pape Adrian I. le Concile de Nice II. Thomas d'Aquin & autres.

Voyla ce que Cl. Seiffel & Cl. Couſford reprochent aux Vaudois. Leur doctrine ſe pourroit plus clairement recueillir de leurs propres eſcrits. Mais il n'eſt pas aiſé de les recouurer & nos aduerſaires les pourroient tenir pour ſuſpectſ. Mais ils n'ont point ſubieſt de tenir pour ſuſpect, ce que nous auons tiré des eſcrits de leurs aduerſaires, qui ſuffit pour nous apprendre deux choſes principalement. 1. qu'on les a chargé de pluſieurs crimes & erreurs, d'ôt il appert qu'ils eſtoient innocés 2. que ce n'eſt pas d'aujourd'huy qu'il y a des Eglifes en grand nombre, qui condamnent l'Egliſe Rom. pour les meſmes raiſons pour leſquelles nous la condamnons. Dieu par ſa miſericorde luy donne de recognoiſtre, condamner & rejeter ſes abus, & à nous de perſeuerer cōſtamment en la profeſſion de ſa ſaincte verité pour ſa gloire & pour noſtre ſalut.

